

## BARARUN DÂŃ

Johane e Efeso haeo juhuc Jesure kikefunfâc jurambinĵ jaŃe mamac ejarewec. Ejarehuc juhame mitire zika fuawec. Eme kia e Johane rorâ Patimo nucko bararâ kâpâcwâru bame Ńehuc juwec. Ńehuc juhame Wofunĵi juku wiac fuazokac i âzâcne jâutuc eme hone manac ewec. Erâ papiao qârenĵke-fârewec. Wofunĵ Jesu e jahac mârenĵko juhuctecne, fifisi damenĵ-ticne bembenĵkeha wiac fuazokac irec findanĵdânĵ gâcne muwec (*Mataio ganĵ 24 â 25*). Ine wiac fuazokac irec dâŃ neŃgocne sâko â maine mufuawec, ehuc mutanĵkewecte sâcne mana qârânĵkehuc qârenĵkewec. Erâ moc zinĵuc: Wiac fuazokac irec dâŃne sawa maŃnao mi fuame binanĵ bahuc qârenĵkewec, wiac fuazokac irec hawarine maŃzânĵe-ticnezi mâmâc honewec. Wiac furune jâmbânĵ irec hawari funĵne funĵe honewec i mârenĵŃic nânĵâcne dâŃko bâtikiehuc qârenĵkewec. Eme sifu hawari wiac gâcne irec funĵne mana janĵenĵkenanĵte emâmânĵkeengopenenĵ. Erâ nânĵâc dâŃ gâcne i kâuc baengopenenĵte Johanere findanĵdânĵ qâoma ecnerâ mi behepene fozejec. DâŃ irec maŃnao unĵdânĵ â babasananĵ dâŃ â maŃ babaafec dâŃ bocjaha fokac. Irec Johanere dâŃ soŃne hâcne i wâc gâbâ woserâ numuhuctecne giene banzopenenĵ. Barahuc juhapene zâhec fârio qaocmu ira mana utuckehuc mana taranzonĵgopenenĵ.

### *Mumuzâwe dân*

<sup>1</sup> Jesu Kristore mu bararuŃ dân, damenŃ mi zoraha wiac fuaocte mukicne i kiŃaŃŃicfâcne jaza mutâc eocte Anutuzi Jesu mufuacnewec, eme eki aŃelo-ticne soreme kiŃaŃŃic-ticne Johane âzâcne jâutuc ewec. <sup>2</sup> Eme eki Anuture dân â Jesu Kristore mumutaniŃ dân hone manac eweczi manapaŃkehuc mufuawec. <sup>3</sup> Eme findaŃdân i wose-jareocmu e jahacne mecne, â dân mu qâreŃ ekicne manarâ maŃkeniŃmu jaŃe mecne, mâmâc juhâc qâhâmoniŃmu. DamerŃ be-mbeŃkekac hâcne.

### *JambuŃ â mumuterŃ dân*

<sup>4</sup> Johane no Asia mâreŃko kikefuŃ 7 juŃgopien ŃoŃere papia zi qâreŃkekopac. Juweczi jukac erâ wâc wareocmu eraonec mecne, â mâro 7 eri ŃeŃefuŃ-ticnao juŃgopien jaŃeraonec mecne, <sup>5</sup> â Jesu Kristo eraonec aki anonoc â wama ŃoŃerao fotâcnerâ fozejec. Eki hâcne mume sasanaŃ erâ wâc hâmockonec fafahare irec micne, â mâreŃ sâc ŃicwofuŃ jaŃere fekcicne sâko jukac. E maŃjauŃ enârehuc socticnezi sâqocnaonec bâhoc-nâporâ <sup>6</sup> uucmaŃ-ticnere kikefuŃfâc bacnâporâ Anutu â Mamac-ticnere taha bapafâc junaŃte munârewec, erao hâcne eri qarawenŃ â tâpiri qunqasaŃ fokaczi fohuc juzejec sanaŃ. Jâmbomac.

---

**1:1:** Dan 2:28, 29    **1:2:** Bar 6:9    **1:3:** Bar 22:7, 10    **1:4:** Wah 3:14, 15; Jes 41:4; Bar 3:1; 5:6    **1:5:** Mi Mâ 89:27, 37; 130:8; Jes 40:2; Joh 18:37; Kol 1:18; Heb 9:14; Bar 3:14; 7:14; 19:16    **1:6:** Bar 5:10; Pet I 2:5, 9; Wah 19:6; Jes 61:6

<sup>7</sup> Mananġopien, e karorac faio warekac, eme njic sasawa zâñe-jeñiczi honeniñmu, â âkeckembiñ jañe mâmâc honeniñmu. Erâ mâreñ sâc njic gurune gurune jañe ere kio mamakuc eniñmu. Dâñ i jâmbomac jâmbâñ. <sup>8</sup> “Nonizia zâhec â bâbâni”, Wofuñ Anutu e inġuc mukac, e juweczi jukac erâ wâc wareocmu, e bapafâre hâcne.

### *Johane Patimo nucko mañne ñerisiewec*

<sup>9</sup> Johane no fific guguriñte â uucmañte â Jesure woñec jujure mâmâc qâtec-ñopahuc âgo babafic-ñeñic juekopac. Eme no Anuturê dâñte â Jesu mutaniñkepore Patimo nucko râecnupie ñepo. <sup>10</sup> Ñehuc Wofuñte zoanġko mañ qâruru-nane ropieme râpêfuñ-naneo dâñsâko geñfânâñ inġucne fuame <sup>11</sup> ziñuc manapo: “Wiac honekomec i papiâo qâreñkerâ kikefuñ 7 kecziñuc jañerâo râetec razejec: Efeso haeo â Simirna haeo â Peagamon haeo â Tiatira haeo â Sarde haeo â Filadefia haeo â Laodikea haeo.”

### *Johanezi Jesure hawari honewec*

<sup>12</sup> Eme no njic dâñ nazawec e honepemurâ fotikiepo. Fotikierâ lambe 7 golzi bakicne honepo. <sup>13</sup> Lambe ñondenġko moc domame honepo, e hawarine njic hawari tinac. Ñaqi-ticne zoricne waha domawec, â amecnao umbika golzi bakicne fowec. <sup>14</sup> Qizec-ticne â qizec susuc-ticne qanqan jâmbâñ, kota hâpokicne, faroqac inġucne, â zâñe jahecne zoc bâruñkeekac inġucne

---

**1:7:** Dan 7:13; 3ek 12:10–14; Joh 19:37; Luk 23:27, 28 **1:8:**  
 Wah 3:14; Jes 41:4; Bar 4:8; 21:6 **1:11:** Bar 2:8; 22:13 **1:13:**  
 Ezek 1:26; 8:2; Dan 7:13; 10:5

tinac. <sup>15</sup> Kike jahec-ticne ine aen 3ocko zahuc bârunkeekac injucne tinac â dân hawari-ticne opâ sâro fânân tinac. <sup>16</sup> Mefâre-ticnezi bâpiñ 7 badomawec, â michawec-ticnao sâqe momori moc bune râpene micnehec waha domawec, â zânemai-ticne ine 3oañ gereñ gereñe eekac injuc tinac tamaewec.

*Jesuzi Johane mu bâmiriñ ecnewec*

<sup>17</sup> No hawari-ticne injuc honerâ rândiñkerâ kikefuñnao hâmocne tinac fopo. Fohape mefâre-ticne fai-naneo râerâ zinjuc nazawec: “Go mi hâwicguoc, zâhec bâbâni â juju rune no hâcne zi; <sup>18</sup> manakic, no hâmorâ qârepozi jurazihuc jupemu sanañ, erâ hâmoc â hârâc motâc-jekicte ki noni bajuekopac. <sup>19</sup> Go wiac honemec â zinjuczia fuakac â zâhec fuaocmu i mâmâc qârenjke-fârezemec. <sup>20</sup> Erâ mefâre-naneo bâpiñ 7 i mecne â lambe 7 golzi bakicne mâmâc honemec, irec fuñne gazape manac: Bâpiñ 7 i kikefuñ 7 jañere anelo, â lambe 7 ine kikefuñ 7.

## 2

*Manjaunzi mi wahazejec*

<sup>1</sup> “Efeso haeonec kikefuñ anelo-jenicte dân keczinjuc qârenjkec: ‘Bâpiñ 7 mefâre-ticnezi badomahuc lambe 7 golzi bakicne irec ñondenhao rac warec eekac, eki gore zinjuc mukac: <sup>2</sup> No eebapagere â giegere â sasanangere

**1:14:** Dan 7:9; 10:6; Bar 2:18; 19:12      **1:15:** Ezek 1:24; 43:2

**1:16:** Bar 2:12, 16; 19:15      **1:17:** Jes 44:6; 48:12; Dan 8:18;

10:15–19      **1:19:** Jes 48:6; Dan 2:29      **1:20:** Mal 2:7; Dan 2:29

**2:1:** Bar 1:13, 16, 20

fuŇne manaekopac. Goki ɲic sâqocne mana qâoma mi ejareekic. Eme irec hâcne ɲic tucne jaŇe, nâŇe aposolo, muhuc burec epie burec-jeŇicte fuŇne bataniŇkemeŇ. <sup>3</sup> Erâ sasanajhec juhuc nore erâ zârâ hârîŇ faio tatakic tâmiric jumeŇ. <sup>4</sup> Eme no ine wiac kecziŇucte gore manape bahacnehec ekac: Go mârâc jaha maŇjauŇ fogarewec sâc ijaha dameŇ ziŇuczia mi fogarekac. <sup>5</sup> Mârâc jaha hahanjo rahuc jumeŇzi miŇecgac wahakomec. Eme go irec manasurâ maŇge bârisierâ mârâc hatagao mocwâc âtezemec. IŇuc mi etec no gorao fisirâ lambege bârâriepemu. MaŇge mi bârisietec iŇuc hâcne epemu. <sup>6</sup> Moc ine etec manape sâckeekac, Nikolao ɲicfâc-ticne jaŇe wiac epie takicguekac, ine no iŇuc jaha wâc takicnuekac. <sup>7</sup> Mârôzi kikefuŇ dân jazakac, i hazecneheczî manazejec. Moc e sasanaj gie baraku batarame jujujâcte fârîne Anuture paradisi gieo fuaekac i râcnepe nâocmu.’

*Miti paŇnea bajuku hâmozo*

<sup>8</sup> “Simirna haonec kikefuŇ aŇelo-jeŇicte dân kecziŇuc qâreŇkec: ‘Zâhec bâbâni â hâmorâ qâreweczî gore ziŇuc mukac: <sup>9</sup> Go fific guguriŇ faio qafec qawahac juekic, i manakopac. Erâ go mârîrigehec. Â JudaŇic gâcnezi dân gâgâpâcne gazaeŇgopieŇ, i wâc manakopac. Erâ jaŇe JudaŇic jâmbâŇ mâcne, jaŇe SataŇte ɲicfâc. <sup>10</sup> Go wiac zârâ hârîŇne mocwâc fua-gareocmu, irec

---

**2:2:** Joh I 4:1    **2:6:** Mi Mâ 139:21    **2:7:** Bar 22:2; Ezek 31:8; Luk 23:43; Kor II 12:4    **2:8:** Jes 44:6; 48:12    **2:9:** Bar 3:9; Jak 2:5; Kor II 11:14, 15

mi hâwicguzejec. Manakic, Sataņ e eesâic fua-ņareocte ņoņeraonec tucne kâpâcwâru ficko râec-jopaocmu. Eme ņoņerao fific guguriņ 3oañ gie bapa 10 fuaocmu. Goki ine miti paņzâic jaha bajuku hâmotec juju sanañte eriduzi geronņupemu. <sup>11</sup> Mârozi kikefuņ dâņ jazakac, i hazecneheczi manazejec. Moc e sasanañ gie baraku batarame hâmoc namba tuzi mi imackeocmu.’

### *Sasecte hata mi âtezo*

<sup>12</sup> “Peagamon haeonec kikefuņ aņelo-jeņicte dâņ kecziņuc qâreņkec: ‘Sâqe momori, micne ņifec â ņifec bajuekaczi gore ziņuc mukac: <sup>13</sup> Go hae jukomec, irec fuņne manakopac, ira Sataņte hozi sanañ fokac. Go zâņe biņe-nane paņnea bajuekic. Mupe rereņ bian-nane Antipa e hae-ņeņic Sataņzi ņeņe juju eekac ira hâcne qambiņ, eme go dameņ ira no manasiņnurâ mi dockemeņ. <sup>14</sup> Erâ no gore manape piticne babahacnehec ekac. Gore haeo ņic gâcne juņgopieņ, jaņe Bileamte hata âteņgopieņ. Bileam e Balakezi Israe bitieņ râe-jareocte âzâcneme eki qafeņ-jopame qâņte zepec nâhuc sasecko sâqorembieņ. <sup>15</sup> Eme gore haeo ņic gâcne jaņe Nikolao ņicfâc-ticne jaņere hata âtehuc sâc ijaha eengopieņ. <sup>16</sup> Irec go maņge bârisiezemec. Inuc mi etecne no gorao picpac jaha fisirâ ņic hâcne râsi ejarehuc micnanere zikazi jopapemu. <sup>17</sup> Mârozi kikefuņ dâņ jazakac, i hazecneheczi manazejec. Moc e sasanañ gie

**2:10:** Dan 1:12, 14; Mat 10:28; Bar 3:11; Tim II 4:8

**2:12:** Jes 49:2; Heb 4:12; Bar 1:16; 19:15

**2:14:** 3ar 31:16; 25:1, 2; Jud 11

**2:11:** Bar

**2:13:** Bar

baraku bataram e mana soŋne gumepemu. Erâ qânâ qanqan râcnepemu, ira zâŋe qâreŋ-ticne moc fome runezia buc manaocmu.’

*Isebe ere hata mi âtezo*

<sup>18</sup> “Tiatira haeonec kikefuŋ aŋelo-jeŋicte dâŋ kecziŋuc qâreŋkec: ‘Anuture Nokâ zâŋene zocbârurŋ iŋucne â kikene aen bâroŋ iŋucne, eki gore ziŋuc mukac: <sup>19</sup> No eebapagere â manjaunġere â mamasanġere â giegere â sasanġere fuŋne manakopac. Erâ mârâc qicwânzâŋge afecne fowec, zi ine fe kac, i wâc manakopac. <sup>20</sup> Erâ no kecziŋucte gore manape bahacnehec ekac: Goki ŋokac Isebe mana qâoma ecnetec eki, no porofete ŋokac, muhuc ŋicfâc-nane dâŋ qazu-jarehuc qafeŋ-jopame sasec gie bahuc qâŋte zepec nâŋgopieŋ. <sup>21</sup> E maŋticne bârisieocte zâfo bacnepo, eme eki ine maŋticne bârisierâ sasec-ticne beheocte mi muekac. <sup>22</sup> Manakic, no irec mupe huc hâmoc fuacneme fozejec, â ehec sasec eec eŋgopieŋ jaŋerao fific guguriŋ kâcġene fuazejec. Ŋokacte sasec wiac mi behemie iŋuc hâcne ejarepemu. <sup>23</sup> Â naru motecfâc-ticne jaŋere mupe huc mimicnezi bâhâmoc-jopazejec. Iŋuc epe hae sâc opâ ruac jaŋe, noni maŋjeŋicte guruc tuturuŋ hone tara-fâreekopac, i mana taraniŋmu. No ŋic mâmâc sasawa juju bapa-ŋeŋicte okacne bazu-ŋarepemu.

<sup>24</sup> “Tiatira haeonec ŋic gâcne ŋoŋe burecdâŋ i qikiŋneŋgopieŋ, ehuc ŋic gâcne, Sataŋte fuŋne

**2:17:** Mi Mâ 78:24; Bar 3:12; Jes 62:2; 65:15      **2:18:** Dan 10:6

**2:20:** Ŋic I 16:31; Ŋic II 9:22; 3ar 25:1, 2      **2:23:** Mi Mâ 7:9; 62:12; Jer 11:20; 17:10

mana utuckeenɔpopenɛn muɛnɔpopenɛn, jaɛe mi bafic-jopaenɔpopenɛn, nɔɛere mupe mananiɛ: No tagi gâcne fai-nɛjicko mi râeckopac. <sup>25</sup> Eme wiac foɛarekac i paɛnea bajuhapie fisizepac. <sup>26</sup> Moc e sanaɛkerâ nore eebapa i eraku etaraocmu, e noni tâpiri râcnepe qâpuc jaɛere micne erâ <sup>27</sup> aenɛ gunu bajuhuc soɛaɛ-jopaocmu. Ehuc mârenɛ kuzi wiac qapene zaɛkeekac iɛuc ejareocmu. <sup>28</sup> No Mamac-nanezi tâpiri narewec iɛuc jaha e râcnepemu, erâ wâc bâpiɛ sâko zuhuckecnepemu. <sup>29</sup> Mârozi kikefuɛ dâɛ jazakac, i hazecneheczi manazejec.’

### 3

#### *Maɛ hâmocne mi juzo*

<sup>1</sup> “Sardec haeonec kikefuɛ aɛelo-jenictc dâɛ kecziɛuc qârenɛec: ‘Anuture mâro 7 â bâpiɛ 7 bajuekaczi gore ziɛuc mukac: No eebapagere fuɛne manakopac, ɛic jaɛe honecgupie qâricne jukomec tinac ekac, maɛe ine hâmoc qâɛqâɛne fokac. <sup>2</sup> Irecc go qârerâ ɛic gâcne hâmozo enɔpopenɛn jaɛe maɛjenic âke qârezemec. Manakic, no Anuture maio eebapage honepe mi sâckekac. <sup>3</sup> Go wiac gare tahac ekicne â gaza qazuc ekicne, i heqârerâ aimuɛ bajuhuc maɛe bârisiezemec. Mi qâretcne ine râsi fifisi tinac fisi-garepemu, go zâfo-nane moc mi manahaɛtec biac fisipemu hâcne. <sup>4</sup> Sardec haec ira ɛicfâcge gâcne juɛnɔpopenɛn, jaɛe ɛaqi-jenic sohoɛ mi ruacnembini. Eme iɛucnezi juku ɛaqi qaɛqaɛ rojuhuc nohec ɛeɛe

---

**2:25:** Bar 3:11    **2:26:** Mi Mâ 2:8    **2:27:** Bar 12:5    **3:1:** Bar 5:6; 1:16    **3:2:** Ezecc 34:4    **3:3:** Tes I 5:2; Bar 16:15; Mat 24:43



juju eniñmu. Jañe inuc eniñte mana-jarepe sâckekac. <sup>5</sup> Moc e sasanaj gie baraku batarame ñaqi qanqan râcnepe rojuocmu, â zâñe-ticne juju sanaj papiao mi hetâmirepemu, aricne, no zâñe-ticne Mamac-nanere maio â añelofâc-ticne jañere maio mutaniñkepemu. <sup>6</sup> Mârozi kikefun dân jazakac, i hazecneheczi manazejec.’

*Miti pañnea bajupene Wofunzi eesâicko dopec-nâpooocmu*

<sup>7</sup> “Filadefia haeonec kikefun añelo-jeñicte dân kecziñuc qâreñkec: ‘Tiri juju â mume sasanaj, Dawidire ki bajuhuc motâc bânğoronkeme moczi mi basanankeocmu, me basanankeome moczi mi bânğoronkeocmu, eki hâcne gore ziñuc mukac: <sup>8</sup> No eebapagere fune manakopac. Manakic, no maigao motâc moc baandanke-garepo i moczi moc sâcne mi hebâzicke-gareocmu. Go tâpiri piticne sawa fogarekac i manakopac, erâ sifu dânñane pañnea bajuhuc zâñe biñe-nane mi behemeñ. <sup>9</sup> Manakic, Satañte guruonec ñic gâcne jañe Judañic fârine aricne, racne juhuc burec eengopieñ, eme no jañe ejarepe gorao fisirâ dienzi hegarehuc, âgo bacgupo i hone taranzepieñ. <sup>10</sup> Go wonec-nane tatakic tâmiric jucmurâ mugarekicne, dânñane i pañnea bajumeñte noni eesâic dameñ maicguzacte sabecgupemu. Eesâic i mâreñ sâc ñic jañerao mâmâc fua-fâreocmu. <sup>11</sup> No biac fâpemu, irec

---

**3:4:** Jud 23    **3:5:** Wah 32:32, 33; Mi Mâ 69:28; Fil 4:3; Mat 10:32    **3:7:** Jes 22:22; Hio 12:14    **3:8:** Kor I 16:9    **3:9:** Jes 43:4; 45:14; 49:23; 60:14; 66:23    **3:10:** Bar 13:10; Heb 10:36; Luk 21:19; Tim II 2:12

go wiac fogarekac i paņnea bajuhaņtec moczi eriduge mi gowac rozejec. <sup>12</sup> Moc e sasaņa gie baraku batarame e Anutu-nanere ufuņko safatarinġ âkendâņnepemu. Eme e ira domahuc juocmu sanaņ. Erâ ere faio Anutu-nanere zâņe qâreņkepemu, erâ Anutu-nanere hae ere zâņe inġuc jaha ere faio qâreņkepemu, i Jerusalem hae qâricne hâcne, sambâņkonec Anutu-naneraonec wahaocmu, erâ no nahacne zâņe qâri i inġuc jaha ere faio qâreņkepemu. <sup>13</sup> Mârozi kikefuņ dâņ jazakac, i hazecneheczi manazejec.’

### *Dodo horaņne mi juzo*

<sup>14</sup> “Laodikea haeonec kikefuņ aņelo-jeņicte dâņ kecziņuc qâreņkec: ‘Dâņte mamacne â mumutaniņ fârine â mume sasaņa, e Anuturaonec wiac fuawec irec fuņqizecne juekaczi gore ziņuc mukac: <sup>15</sup> No eebapagere fuņne manakopac. Go mâteņne mi juekic â fârone mi juekic i manakopac. Mâteņne me fârone juzo murâ junzaņ me! <sup>16</sup> Mâteņne â fârone ŋondeņ-jekicko dodo horaņne juekicte micnaneonec maņucgupe wahacmu. <sup>17</sup> Go gahacnere ziņuc muekomec, no mâriri bocjaha fonarekac, no wiac wemo afecne hurepo, irec wiac moc mi basapemu. Go fuņnege kâuc baekic, ehuc qarâ suriņne, huacbucne, tac qararacne, tiņtuņne â biuctac juekic, i mi mana tarakomec. <sup>18</sup> Irece go gazape manac: Go noraonec zuņe kizukicne furine barâ boreņhec

---

**3:11:** Bar 1:3; 2:5, 10    **3:12:** Eżek 48:35; Gal 2:9; Jes 62:2; 65:15; Bar 14:1; 22:4; 21:2    **3:14:** Mi Mâ 89:37; Muq 8:22; Joh 1:3; Kol 1:15    **3:15:** Bar 2:2; Rom 12:11    **3:17:** 3ar 12:8; Kor I 3:18; 4:8

ezemec, â n̄aqi qan̄qan̄ furine barâ hetec hurâ mimige sâockezejec, erâ zân̄ere wokeman̄ furine barâ zân̄ege ruacnerâ fiqaqackezemec. <sup>19</sup> No âgo bacjopaekopac jaje mu bâtin̄ â qa bâtin̄ ejare-fâreekopac. Irec go zoqac erâ man̄ge bârisiezemec. <sup>20</sup> Manakic, no motâc râpeo domahuc heiccekopac, eme moc e dâñnane manarâ motâc ronareme ere ficko ferâ suan̄zeñ nâ gumec ecnepemu. <sup>21</sup> Moc e sasan̄ gie baraku bataramenonî hefârepe nore eri ñeñeo mâmâc ñenacmu, no in̄uc jaha sasan̄ gie baraku batarapec Mamacnanezi ere eri ñeñeo ñepemurâ hefârecnuwec. <sup>22</sup> Mârozi kikefun̄ dâñ jazakac, i hazecneheczi manazejec.’ ”

## 4

### *Johanezi Anuture ñeñe honewec â mumuten̄ gae manawec*

<sup>1</sup> No wiac i hone manac efârerâ zân̄e firâ mi sambân̄ko motâc moc aan̄ domame honezepac i! Ehame dâñ qanan̄ qen̄fân̄ tinac manapo, ijaha mocwâc luarâ zin̄uc nazawec: “Go zira wefutec juku wiac fuaocmu gaza gowatuc epe honec.”

<sup>2</sup> In̄uc mume izia man̄nane ñerisieme sambân̄ko eri ñeñe moc ñehame fainao moczi ñeme honepo.

<sup>3</sup> Â eri ñeñeo ñewec e hawarine ârân̄ qârizi bâbâron̄ findowakicne, â ñeñe botân̄nao huriri somâckerâ domawec, hawarine buge in̄ucne erâ

---

**3:18:** Pet I 1:7; Jes 55:1; Bar 16:15      **3:19:** Muq 3:12; Kor I 11:32; Heb 12:6      **3:20:** Mar 13:14; Joh 14:23; Luk 12:36; 22:29

**3:21:** Mat 19:28      **4:1:** Wah 19:16, 24; Dan 2:29; Bar 1:10, 19

**4:2:** Ezek 1:26; 10:1; Jes 6:1; Mi Mâ 47:8

jawaririn kikicne. <sup>4</sup> Erâ eri ñeñe sâko rârec rârec eri ñeñe gâcne 24 ñerawec. Ñeñe irec faio ñicqizec 24 ñerambiñ. Jañe ñaqi qañqañ sasawa roñembiñ â eridu golzi bakicne qizec-jeñicko ñerawec. <sup>5</sup> Erâ eri ñeñe sâkoonec bâbâric â qañ parandan fuahuc fowec, â eri ñeñe mainao zocbârun 7 zawec, i Anutüre mâro 7 jañere zoc. <sup>6</sup> Erâ wâc eri ñeñe maio ine hâwec kirunzi bakicne tinac jawaririn kikicne fowec.

Erâ eri ñeñe mañfunao wiac jujune 4 ñerambiñ, jañe bu râpe-jeñicko zâñehéc sasawa. <sup>7</sup> Moc e laion hawari inucne, moc e bulimakao ñicne hawari inucne, moc e zâñe maine ñic hawari inucne, moc ine tucwípe fahareekac hawari inucne. <sup>8</sup> Wiac jujune 4 jañe fakec-jeñic 6 sasawa, erâ fakec-jeñic faine â juwicne zâñe-jeñic jaha fowec. Erâ ñafe furec wirahuc zñuc muengopien:

“Wofun Anutu bapafâre, e tiri, tiri, tiri jaha, juweczi jukac erâ wâc wareocmu.”

<sup>9</sup> Eme wiac jujune 4 jañe eri ñeñeo ñeekac, juju sanañ rune hâcne, e danje mumuten â zeri bubian ecnepie sâc <sup>10</sup> ñicqizec 24 jañe, eri ñeñeo ñeekac, juju sanañ rune hâcne, ere mañfunko fodaperâ mu zeri ecnehuc ñeñefun-ticnao eridu-jeñic râerâ zñuc muengopien:

<sup>11</sup> “Wofun-nâñec Anutu,

---

**4:3:** Ezek 1:26–28    **4:4:** Jes 24:23; Bar 3:4; 5:10    **4:5:** Wah 19:16; Ezek 1:13; Bar 8:5; 11:19; 16:18; 3ek 4:2    **4:6:** Ezek 1:22, 26; 10:1; Jes 6:1    **4:7:** Ezek 1:10; 10:14    **4:8:** Jes 6:2, 3; 41:4; Ezek 1:18; 10:12; Amo 4:13; Wah 3:14    **4:9:** Jes 6:1; Mi Mâ 47:8; Dan 4:34; 6:26; 12:7    **4:10:** Bar 5:14

eri qaraweŃ â zâŃe biŃe â tâpiri  
i goki raucketec sâcke-hâmokac,  
goki hâcne wiac sasawa bâfuameŃ,  
â gore michte wiac fua-fârewec fokac.”

## 5

### *Johanezi papia moc sâfâzi basanaŃkekiecne honewec*

<sup>1</sup> Eme eri ŃeŃeo Ńeekac e mefâre-ticnezi papia foforiŃ moc baŃeme honepo, papia e bune râpene qâreŃhec jaha fowec, erâ sâfâ 7-zi basanaŃkekiecne. <sup>2</sup> Eme aŃelo sâko honepo, e dâŃ hahaŃnehec ziŃuc muwec: “Mo tiŃnezi papia sâfâ-ticne bâhockerâ bådâmâreme sâckeocmu?” <sup>3</sup> IŃuc mume sambâŃko me mâreŃko me mâreŃ jujuwicnao moczi papia sâfâ-ticne bâhockerâ woseocte mi afeckewec. <sup>4</sup> Eme moczi sâsâcne mi juhuc papia bådâmârerâ wosewecte bunane sâqoreme boc kiopo. <sup>5</sup> IŃuc epe Ńicqizec jaŃeraonec moczi ziŃuc naza muwec: “Mi kioc, manakomec, Judare qâricfâc jaŃeraonec laioŃ moc fuawec, Dawidire gitecne hâcne, eki papia sâfâ-ticne 7 bâhockerâ bådâmâreocte wiac sasawa qamase-fârewec.”

### *Johanezi Lama honewec*

<sup>6</sup> Eme no zâŃe firâ eri ŃeŃe â wiac jujune 4 irec ŃondenŃko Ńicqizec jaŃere birio Lama moc hezucicne hawari domame honepo. 3uŃene 7 â zâŃene iŃuc jaha 7. 3âŃene 7 i Anuture

mâro 7, jaņe mâreņ sâc sosec-jopakicne juranġopieņ. <sup>7</sup> Eme Lamazi rarâ eri ņeņeo ņewec ere mefâreonec papia foforiņ rowec. <sup>8</sup> Papia foforiņ rome wiac jujune 4 â ņicqizec 24 jaņe Lamare maņfunġo fodapembiņ. Jaņe musi-jeņichec sasawa, â râqâc golzi bakicne i mâmâc barâ fombiņ. Râqâc maņkonec hosâc âsu bian wefuwec, i Anuture tiriņicfâc jaņere nunumu. <sup>9</sup> Eme jaņe gae qâricne moc ziņuc hembiņ:

“Goki papia rorâ sâfâ- ticne bâhocketec sâcke-hâmooomu.

Go gupie socgezi mâreņ sâc ņic saħac hawari fuņe fuņe â dâņmarac fuņe fuņe kitâc-jopame Anuture biņe embiņ.

<sup>10</sup> Erâ qâzuc-jopatec Anutu uucmaņ-ticnere kikefunġfâc â taha bapafâc-ticne embiņ.

Eme jaņe mâreņte faio guriņ bapa gie baniņmu.”

*Sâmbânġo zeri mumuteņ sâko fuawec*

<sup>11</sup> Eme no zâņe firâ aņelo bocjaha jâmbân honec-jopahuc micfânâņ-jeņic manapo. Jaņe eri ņeņe â wiac jujune â ņicqizec orâņ-jopahuc domambiņ, teņ tauseņ gurune gurune â wâņ tauseņ gurune gurune domarahuc <sup>12</sup> dâņ ziņuc wiwiraio mumbiņ: “Lama hezucicne eki tâpiri mazuc mâriri â maņqârâņ â sasanaņ â zâņe biņe â eri qaraweņ â muac baafec rauckeme sâcke-hâmokac.” <sup>13</sup> Eme sambânġo â mâreņko â

---

**5:6:** Jes 53:7; 11:2; Joh 1:29, 36; Bar 4:5; 3ek 4:10    **5:7:** Jes 6:1; Mi Mâ 47:8    **5:8:** Mi Mâ 141:2; Bar 14:2; 15:2; 8:3, 4    **5:9:** Mi Mâ 33:3; 144:9    **5:10:** Wah 19:6; Jes 61:6; Bar 1:6; 20:6; 22:5  
**5:11:** ņic I 22:19; Dan 7:10    **5:12:** Jes 53:7; Bin I 29:11; Fil 2:8-10

mâreŃ jujuwicnao â hâwecko jurambiŃ sasawa jaŃe kecziŃuc mupie manapo: “Eri ŃeŃeo Ńekac e â Lama mâmâc muac baafec â zâŃe biŃe â eri qaraweŃ â tâpiri focnekaczi focnerahuc juzejec sanaŃ.” <sup>14</sup> Eme wiac jujune 4 jaŃe mumbiŃ: “Jâmbomac.” Â Ńicqizec jaŃe fodapehuc numuc-nembiŃ.

## 6

### *Becâsic 4 jaŃere dâŃ*

<sup>1</sup> Eme no zâŃe firâ honepo, Lama eki papia sâfâ 7 fowec ine moc bâhockewec. Bâhockeme wiac jujune 4 jaŃeraonec moc e quŃ parandaŃ maracko wirahuc muwec: “Warec.” <sup>2</sup> Mume mi becâsic qaŃqaŃ moc wareme honezepac i! Fainao Ńic moc Ńewec e tepe-ticnehec, eme e eri qoqonaŃ râcŃepie momori erâ wiac qamase rahuc juwec.

<sup>3</sup> Eme Lamazi sâfâ namba 2 bâhockeme wiac jujune namba 2-zi wirahuc muwec, “Warec!”

<sup>4</sup> Mume becâsic bâbâroŃ fuawec. Fainao Ńic Ńewec e mâreŃko wama bârârieme Ńic jaŃe qâqâmiziec eniŃte tâpiri râcŃekicne. Erâ zika sâko mâmâc râcŃekicne.

<sup>5</sup> Eme Lamazi sâfâ namba 3 bâhockeme wiac jujune namba 3-zi wirahuc muwec, “Warec!” Eme no zâŃe firâ honehape mi becâsic gâgâpâc warezejec i! Ńic fainao Ńewec e sigeli baŃewec.

<sup>6</sup> Eme no wiac jujune jaŃere ŃondeŃko Ńicmarac tinac fuarâ ziŃuc mume manapo: “Padi tase 2 furine 1 kina â jacgoŃ 12 iŃuc jaŃa furine 1 kina. Erâ saŃ hâmeŃ fâric ine akicketec fuazejec.”

---

**5:13:** Jes 6:1; Mi Mâ 47:8    **5:14:** Bar 4:10; 19:4    **6:1:** Bar 4:6; 5:1, 2, 6, 8    **6:2:** 3ek 1:8; 6:1–3

<sup>7</sup> Eme Lamazi sâfâ namba 4 bâhockeme wiac jujune namba 4-zi wiwirao muwec, “Warec!”  
<sup>8</sup> Eme zâñe firâ honehape mi becâsic moc sahadne gowaekicne warezejec i! Nîc fainao ñewec zâñene hâmoc. Erâ hârâckoneczi bâjâpembîñ. Eme mâreñko rukec jahec â moc mâc fohame moc ira mume zikazi â roroczi â huc mimicnezi â kâte qowi momorizi ñic sipiric-jopaniñte tâpiri râe-jarekicne.

*Nic mitire erâ jopakicne jañere dân*

<sup>9</sup> Eme Lamazi sâfâ namba 5 bâhockewec. Ehame ñic Anuture dân bajuhuc biñe-ticne mutaniñkepie jopakicne jañere mañ qâqâtâc alata mañfunko fopie honec-jopapo. <sup>10</sup> Jañe dân wiwic jaha wirahuc ziñuc mumbîñ: “Tiri â mume sasanañ Wofun, go wemocte okac damañ bâzorahuc socnâñecte kiñ ñic mâreñko junçopien jañerao mi batarakic?” <sup>11</sup> Inuc mupie ñaqi qañqañ ru sâc jare-fârerâ ziñuc jazambîñ: “Kiñañ qaqa âgofâc-ñeñic gâcne inuc jaha jopa qâhâmoc ejarepie zare-jeñic qosackeocte woñec piticne junzepien.”

*Okac damañ maickeme wiac fuaocmu irec dân*

<sup>12</sup> Eme wiac ziñuc honepo: Lama e sâfâ namba 6 bâhockeme homeñ sâko bawec. Ehame zoañ gâpârerâ kuzi sahadne inucne ewec, â mosa e soc inucne ewec. <sup>13</sup> Â bâpiñ jañe mâñânzi nemuja qâmârâñkeme wahaekac, inuc sambâñkonec

**6:8:** Hos 13:14; Jer 15:3; Ezek 5:12; 14:21; 29:5; 33:27; 34:28

**6:9:** Bar 8:5; 14:18; 16:7      **6:10:** Zek 1:12; Mi Mâ 79:10; Sâc 32:43; Fuf 4:10; Hos 4:1      **6:11:** Bar 3:4; 7:9; Mat 23:32      **6:12:** Jes 13:10; Ezek 32:7; Joe 2:30; Luk 21:25



mârânkerâ wahambiņ. <sup>14</sup> Â sambân e ine papia bataforieengopeneņ iņuc foforierâ sirowewec. Â tiki â nuc jaņe ņeņe-jeņic behembiņ. <sup>15</sup> Wiac iņucne fuame mâreņ sâc ņicwofuņ â ņicbomboņ, erâ momori micnefâc-jeņic â mafa mâririhec â tâpirihec, ņic fekcicne â wahakicne mâmâc sasawa mâreņ â qânâ hawecko soņkerâ tiki â hârâc wâsic-jopahuc ziņuc mumbiņ: <sup>16</sup> “Waharâ ņemac-nâporâ bârârân-ņâpopie eri ņeņeo ņekac ere zâņeo mi henzepeņeņ â Lamare kimbeņ mi honenzepeņeņ. <sup>17</sup> Kimbeņ-jeņicte dameņ sâko maickekacte ņic mozi moc juocmu?”

## 7

### *ņic mai-jeņicko maqâreņ bajarekicne*

<sup>1</sup> Eme no zâņe firâ aņelo 4 honec-jopapo, jaņe mâreņ tuturuņne 4 ira doma rahuc mâreņte mâņâņ 4 badomambiņ. Mâreņko me hâwecko me jâcko mâņâņ moc mi qaocte iņuc embiņ. <sup>2</sup> Ehame zoaņ wewefunaonec aņelo moc wefume honepo. E Anutu jujune eraonec maqâreņ bajuwec. Ba-juhuc aņelo 4 mâreņko â hâwecko ima baniņte mujarekicne jaņe wiwic jaha wira-jarehuc ziņuc muwec: <sup>3</sup> “ņoņe mâreņko me hâwecko me jâcko ima biac mi banzepieņ, nâņe qanaņ Anuture ņicfâc mai-jeņicko maqâreņ râenaņmu.” <sup>4</sup> Iņuc mume ņic maqâreņhec jaņere zare kecziņuc

---

**6:13:** Jes 34:4; 13:10      **6:15:** Mi Mâ 48:4; 2:2; Jes 24:21; 34:12; 2:10, 19, 21; Jer 4:29      **6:16:** Hos 10:8; Jes 6:1; Mi Mâ 47:8; Luk 23:30      **6:17:** Joe 2:11, 31; Mal 3:2; Zef 1:14, 18; Rom 2:5      **7:1:** Ezek 7:2; 37:9; Dan 7:2; 3ek 6:5; Mat 24:31      **7:3:** Ezek 9:4, 6

mupie manapo: “Israe guru sâc janjeraonec 144 tausen maqârenj rêu-jarekicne. <sup>5</sup> Judare guruonec 12 tausen maqârenj-jenichec, Rubente guruonec 12 tausen, Gade ere guruonec 12 tausen, <sup>6</sup> Ase ere guruonec 12 tausen, Naftali ere guruonec 12 tausen, Manase ere guruonec 12 tausen, <sup>7</sup> Simeonj ere guruonec 12 tausen, Lewi ere guruonec 12 tausen, Isasa ere guruonec 12 tausen, <sup>8</sup> Sebuloj ere guruonec 12 tausen, Josefe ere guruonec 12 tausen, Benjaminj ere guruonec 12 tausen, njic injuczi maqârenj-jenichec embinj.”

*Nicguru hâhâwicne Anuture maio domambinj*

<sup>9</sup> Wiac i hone manac efârerâ moc honepo, mârenj sâc irec njic tucne, sahad hawari-jenic funje funje â dânj marac-jenic funje funje, guru sokawec jâmbânj, njic moczi mi wowosene, jaje eri nejere â Lamare manfunjko domapie honec-jopapo. Jaje njaqi qanqanhec sasawa, <sup>10</sup> erâ mejeniczi zarij badomahuc dânj haharje bahuc zinjuc mumbinj: “Bâbâpianj i Anutu-nâhec eri nejero nekac erao â Lamarao fokac.” <sup>11</sup> Eme anelo sasawa eri nejere â njicqizec â wiac ju-june 4 orânj-jopahuc domambinj, jaje eri nejere manfunjao fodaperâ Anutu nunumu mumutenj ecnehuc zinjuc mumbinj: <sup>12</sup> “Jâmbomac! Mumutenj â eri qarawenj â manqârânj â danje mumu â zâne rara â tâpîri â sasananj i Anutu-nâhec focnekaczi focne rahuc juzejec sananj. Jâmbomac.”

*Jaje zâic busâqoc manjnaonec*

13 Eme ñicqizec jañeraonec moczi wio-nar-erâ muwec: “Ñaqi qañqañhec i mo jañe? Wenirec warembiñ?” 14 Wio-nareme dân zinjuc bătikiēcnepo: “Ñicbomboñ-nane, i goki man-akic.” Eme nazawec: “Jañe zâic busâqoc mañnaonec warembiñ â ñaqi-jeñic Lamere soczi zure qaqačkembiñ.

15 Irec zi Anutu eri ñeñe-ticnere mañfuñko juhuc ñafe furec ufuñ-ticnao kiñañ qacneengopieñ. Ehame eri ñeñeo ñeekaczi qâtec-jopahuc sâoc-jopaocmu.

16 Eme nânâ opâre mocwâc mi hâmoniñmu; zoañzi mi rikec-jopaocmu â zâic fâro mi fua-jareocmu.

17 Ñeñe zâzâñiñko Lama domakac eki hâcne soñañ-jopaocmu, ehuc juju opâ zâkâñnao amec-jopa rahuc juocmu; erâ Anutuzi zâñeuc-jeñic bâkerenke-fâreocmu.”

## 8

### *Añelo 7 jañe qeñ jarekicne*

1 Eme Lama e sâfâ namba 7 bâhockeme sambânko ninin qiririn fuarâ fohame haf aua qâririn ewec. 2 I tarame añelo 7 Anuturo mañfuñko domambiñ jañe honec-jopahape gâcnezi qeñ 7 jarembiñ. 3 Eme añelo moczi râqâc golzi bakicne ihec warerâ ra alata mañfuñko badomame gâcnezi ira hosâc âsu bian bocjaha râepie huwec. Hume eri ñeñe mainao alata golzi

---

**7:14:** Dan 12:1; Fuf 49:11; Mat 24:21; Heb 9:14    **7:15:** Bar 21:3, 22    **7:16:** Jes 49:10    **7:17:** Ezek 34:23; Bar 5:6; Mi Mâ 23:2; Jes 25:8    **8:1:** 3ek 2:13; Hab 2:20    **8:2:** Mat 24:31

bakicne newec irec fainao râehuc mitiņic jaņere nunumuo zuhuckewec. <sup>4</sup> Ehamē meticnaonec hosâc âsu bian iži mitiņic jaņere nunumu bafickehuc Anuturao fewec. <sup>5</sup> Aņelo e iņuc erâ alataonec zoc kine rorâ râqâc-ticne bâfuserâ mâreņko hoņkeme huwec. Hume qun parandan â bâbâric â homeņ fuawec.

*Aņelo 4 jaņe qeņ qapie mâreņko wiac fuawec*

<sup>6</sup> Eme aņelo <sup>7</sup> qeņ jarekicne jaņe qeņ qaniņte zawiembiņ. <sup>7</sup> Ehuc aņelo namba wâņ eki qeņ game hoe sanan â zoc sohec bâsifuckekicne iži mâreņko hewec. Heme mâreņ tucne zoczi zawec â jâc tucne â sopâc kecqan sasawa zoczi zafârewec.

<sup>8</sup> Eme aņelo namba 2 eki qeņ qawec. Qeņ game wiac moc tiki sâko iņucne zocbâruņnehec hâwecko rucnewec. <sup>9</sup> Rucneme hâwec tucne soc efârewec. Eme hâwec qowi tucne hâmo-fârembiņ â woke tucne zanke-fârewec.

<sup>10</sup> Eme aņelo namba 3 eki qeņ qawec. Qeņ game bâpiņ sâko moc sambâņkonec tara waharâ ine waha iņucne bâruņkehuc opâ gâcnao huwec. <sup>11</sup> Bâpiņ zâņene Hâtâqiņqiņ. Eme irec opâ gâcne hâtâ qiņqiņne eme ņic jaņe nâpie hâtâc-jopame bocjaha hâmombiņ.

<sup>12</sup> Eme aņelo namba 4 eki qeņ qawec. Qeņ game 3oan mosa â bâpiņ gâcne ira sâwec fuame tata-mac-jeņic pitiwawec. Tatamac-jeņic gâkowawecte

---

**8:3:** Amo 9:1; Bar 5:8    **8:4:** Mi Mâ 141:2    **8:5:** Tah 16:12; Wah 19:16; Ezek 10:2    **8:7:** Ezek 38:22; Joe 2:30; Wah 9:23–26  
**8:8:** Jer 51:25; Wah 7:20, 21    **8:10:** Jes 14:12; Dan 8:10

hae burec burec sawa furewec â nafeo inuc jaha mosa bâpiñ buburecne tamaewec.

<sup>13</sup> Eme no zâñe firâ tucwipec sâko moc honepo. E sawao faic jâmbân juhuc wiwic jaha zîñuc wirawec: “Jei, jei, jei, añelo jahec â moc jañere qeñ fokac, i qapie mâreññic jañe weninuc eninmu!”

## 9

*Añelo namba 5 eki qeñ qame qirikiñ mimicne fuambin*

<sup>1</sup> Eme añelo namba 5 eki qeñ qawec. Eme noni bâpiñ moc sambânkonc tararâ mâreñko wahame honepo. E hârâcte tapa roocte irec ki rácnekicne. <sup>2</sup> Eme hârâcte tapa rome hosâc sâko wefuwec, gie zame hosâc feekac, irec sâc hosâc wefu ferâ zoañ â sawa sâocke-fârewec. <sup>3</sup> Hosâc mañkonec ine qirikiñ wefurâ mâreñko wahambin. Micjenic ine omegaqare sâc. <sup>4</sup> Erâ jañe mâreñko sopâc nânâ kise me jâcrehac wiac râsi ecneninthe mi mukicne, ñic Anuture maqâreñ mai-jeñicko mi fowec, jañe sawa râsi ejareninthe mukicne. <sup>5</sup> Erâ jopapie hâmoniñte mâcne, mâc mosa 5 kizâic-jopahuc juninthe mukicne. Zâic ine omegaqare michte sâc inuc manazo. <sup>6</sup> Eme damen ira ñic jañe hâmoniñte biñe muninmu erâ mi hâmoniñmu, hâmoc hefâre-bipiepie sifu mi maic-jopaocmu.

---

**8:12:** Bar 6:12; Wah 10:21    **8:13:** Bar 9:12; 11:14    **9:1:** Bar 8:10; 20:1    **9:2:** Fuf 19:28; Wah 19:18; Joe 2:2, 10    **9:3:** Wah 10:12, 15    **9:4:** Ezek 9:4; Bar 7:3    **9:6:** Hio 3:21; Luk 23:30

*Qirikiñ hawari-jeñicte dân*

<sup>7</sup> Qirikiñ jañe ine becâsic hawari, momori jañe zikao raniñte becâsic wiac bâmocke-jarengopien hawari inucne hâcne. Qizec-jeñicko du golzi bakicne tinac ñewec, zâñe mai-jeñic ñic zâñe mai tinac. <sup>8</sup> Kanzañ-jeñic zoricne, ñokac qizec gere-jeñicte sâc. Micjeñic laionte mic inucne. <sup>9</sup> Amec-jeñicko maro wapazi bakicne tinac fowec. Fakec fânân-jeñic ine keretac fânân inucne, becâsic bocjaha jañe zikao raniñte keretac gagasac jaha fâre rapie fânânkeekac, inucne tinac hâcne. <sup>10</sup> Gecjeñic omeqaqare gec inucne. Micjeñic i gec-jeñicko hâcne fokac, izi ñic mosa 5 kizâic-jopahuc juniñmu. <sup>11</sup> Erâ hârâckonec añelo e ñicwofuñ jujarekac, zâñene Judañic jañere dânko Abadoñ â Grikñic jañere dânko Apolion.\* <sup>12</sup> Tucwipezi jei jahec â moc wirawec, moc omaekac, zi jajahec fokopirec.

*Añelo namba 6 eki qeñ qame momori guru hâhâwicne fuambin*

<sup>13</sup> Eme añelo namba 6 eki qeñ qawec. Eme alata golzi bakicne, Anuture maio ñekac, masune 4, <sup>14</sup> irecnec dân wefurâ añelo namba 6 qeñ bado-mawec e ziñuc âzâcnewec: “Eufrata opâ sâkoo añelo 4 niñgiñ-jopakicne jañe bângoroñ-jopac.” <sup>15</sup> Eme añelo 4 jañe jara, mosa, zoañ, aua maick-eme mâreñ sâc ñic tucne qâmiziec-jopaninthe woñec jumbin, jañe hâcne firuec-jopawec. <sup>16</sup> Eme

---

**9:7:** Joe 2:4    **9:8:** Joe 1:6    **9:9:** Joe 2:5    \* **9:11:** Kâtedânko: Sisipiric rune.    **9:12:** Bar 8:13; 11:14    **9:13:** Bar 8:3; Wah 30:1–3    **9:14:** Fuf 15:18; Sâc 1:7; Jos 1:4; Bar 16:12    **9:15:** Bar 8:7–12

momorifâc-jenÿic becâsicko ñeje jañere zare 200 million, injuc mupie manapo. <sup>17</sup> Ñic â becâsic jañere hawari ine mañ zâñe-nanezi kecziñuc honepo: Ñic jañe maruku bâbâroñ â keda â bâbâñeñ injuc rojumbiñ, â becâsic jañere qizec laioñ qizecne injucne, micjenÿickonec ine zoc â hosâc â tepe zocne wahawec. <sup>18</sup> Eme wiac fârone jahec â moc izi ñic gâcne sipiric-jopa-fârewec, becâsic mickonec zoc â hosâc â tepe zocne wahawec izi hâcne. <sup>19</sup> Becâsic tâpiri-jenÿic ine micjenÿicko â gecjenÿicko fowec. Gecjenÿic homa injucne, qizecnehec, izi hâcne ñic sipiric-jopaenÿopien. <sup>20</sup> Eme ñic tucne hâmo sipiric ehapie tucne akicjopakicne jañe mañjenÿic mi bârisiembïñ â juju bapa-jenÿicte manapie mi sâqorewec. Aricne, jañe sifu demonj wiac bajumbiñ. Â nemuqâñ golzi â siliwazi â aenÿi â qânâzi â jâczi bakicne, hone manac eene tâmiric â rarac wawarecne tâmiric, i numu-jarehuc jumbiñ. <sup>21</sup> Ehuc zika â qanÿec â sasec â fiuc i mi behembïñ.

## 10

### *Añelo moczi mumupañ sanañ muwec*

<sup>1</sup> Eme añelo sâko moc sambâñkonec wahame honepo. E karoraczi rufacnekicne, qizec botâñnao hiriri somâckerâ domawec, zâñe maine zoañ injucne, kike jahecne zocbârurñhec. <sup>2</sup> Meticnezi papia piticne moc bådâmârekicne i badomawec. Erâ kike fâre-ticnezi hâwec faio â kike qanazi mârenÿko âterâ domawec.

**9:20:** Jes 2:8, 20; 17:8; Dan 5:4; Kor I 10:20; Mi Mâ 115:4; 135:15

**9:21:** Ñic II 9:22    **10:1:** Bar 4:3; 5:2

<sup>3</sup> Domahuc dân wiwira kâcçene, laionte dân sâcko ewec. Wirame çuñ 7 jane dânembiñ.  
<sup>4</sup> Dânehuc mupie manarâ qâreñkezo ehape sambânkonec wiwira norao ziñuc wahawec: “Çuñ 7 dân mumbieñ i mi qâreñkec, mâc tapa batec fooc.”  
<sup>5</sup> Eme añelo hâwecko â mâreñko âterâ domawec, eki mefâre-ticne sambânkopec sicnehuc dân mupañkewec.  
<sup>6</sup> Ehuc jurazihuc juocmu sananji wiac bâfua-fârewec, sambân â irec wiac-ticne, mâreñ â irec wiac-ticne, hâwec â irec wiac-ticne, erao hâcne çetickehuc ziñuc mupañkewec: “Damenç mocwâc mi fokac.”  
<sup>7</sup> Añelo namba 7 çençicne çame fânânç fuaocmu, damenç ira Anuture dânsoñ, ñicfâc-ticne porofete biñene jazawec, irec fârine fua taraocmu.”

*Añelo moczi Johane papia râcneme nâwec*

<sup>8</sup> Eme sambânkonec dân manapo ijaha mocwâc fuarâ ziñuc nazawec: “Go rarâ añelo hâwecko â mâreñko âterâ domahuc papia bâdâmârekicne badomakac i roc.”  
<sup>9</sup> Mume no añeloraoc rarâ papia nareocce âzâcnepe ziñuc nazawec: “Rorâ nâc. Nâtecne bugao hâtâcguocmu â micgao bañac iñucne erâ añacguocmu.”  
<sup>10</sup> Iñuc murâ papia nareme nâpo. Nârâ micnaneo bañac iñucne erâ añacnuwec, izi nâkâcnepe ine bunaneo hâtâcnuwec.  
<sup>11</sup> Eme ziñuc nazambiñ: “Go ñicguru bocjaha, sahaç hawari-jeñic â dânmarac-jeñic

**10:3:** Jer 25:30; Hos 11:10; Amo 1:2      **10:4:** Dan 8:26; 12:4, 9

**10:5:** Sâc 32:40      **10:6:** Fuf 14:19, 22; Neh 9:6; Wah 20:11; Mî Mâ 146:6; Bar 6:11; Dan 12:7      **10:7:** Amo 3:7; Dan 9:6, 10; 3ek 1:6; Apo 3:21; Bar 11:15; 17:17

**10:9:** Eçek 2:8; 3:1–3



funje funje erâ njicwofunġfâc-jenġic jaņere findaņđâņ mocwâc muzemec.”

## 11

### *Johane ufunj sâc baocete mucnekicne*

<sup>1</sup> Eme moczi gunusâc narehuc zinjuc nazawec: “Go fahare Anuture ufunj â alata sâc barâ maņņao numuhuc juenġopien jaņe wosec-jopazemec. <sup>2</sup> Ufunte hae zoņa ine sâc mi bahuc mâc behetec foor, i qâpuc jaņere qikiņnekicne. Jaņe hâcne miti hae mosa 42 ima bahuc juniņmu.

### *Mumutaniņ njic jajahec fuapire hârâckonec qowizi jofaocmu*

<sup>3</sup> “Eme no mumutaniņ njicjahec-nane ejactepe mateņ barâ njic findaņđâņ jazahuc juhapire zoaņ gie bapa 1 tauseņ â 260 tarazejec.” <sup>4</sup> Jahe oliwa jâc â lambe injucne, jahe mârenġe Wofunj ere maio domakopirec. <sup>5</sup> Njic moc e râsi ejactezo mume micjekickonec zoc waharâ zaocmu. Irec njic moczi râsi ejacterâ sipirickeocmu. <sup>6</sup> Njic jahe hoere motâc henicte tâpiri jactekicne, irec mupire hoe mi hehe mâc fohame findaņđâņ muhuc junicmu. Erâ mupire opâzi soc eocte irec tâpiri fojacteocmu, erâ mârenġko wiac micne momori fuaocete mupire sâc fuaocmu. <sup>7</sup> Eme miti mumutaniņ damenġ-jekic tarame hârâckonec qowi mimicnezi wefurâ râsi ejacterâ jofame hâmonicmu. <sup>8</sup> Hâmopire njic jaņe

---

**10:11:** Jer 1:10; 25:30; Dan 3:4; 7:14    **11:1:** Ezek 40:3; 3ek 2:1, 2; Kor II 6:16    **11:2:** Jes 63:18; Luk 21:24; Mi Mâ 79:1; Dan 8:10  
**11:4:** 3ek 4:3, 11–14    **11:5:** Njic II 1:10; Sam II 22:9; Jer 5:14  
**11:6:** Njic I 17:1; Sam I 4:8; Wah 7:17, 19, 20    **11:7:** Dan 7:3; 7:21; Bar 13:1, 7; 17:8

qânqân-jekic behec-jofapie hae sâkore hae zoŋao fonicmu. Hae irec zânje herâriehuc Sodom â Aigita mukicne, Wofun-jekic hae ijaha mariponko qapie hâmowec. <sup>9</sup> Eme mâreŋ sâc ñic gâcne, sahaç hawari-jeŋic fuŋne fuŋne â dânmarac-jeŋic fuŋne fuŋne, izi qânqân-jekic zoaŋ gie bapa jahec â moc â moc nâfocne honec-jofahuc juniŋmu, erâ gâcnezi ducjofazo mupie qatara-jarenŋmu. <sup>10</sup> Eme porofete jahe ñic boc bâzâic-jopapicte mâreŋne mâreŋne ñic zeri bubiaŋ ehuc boreŋ nareŋ gareŋ eniŋmu.

<sup>11</sup> Eme zoaŋ gie bapa jahec â moc â moc nâfocne tarame Anuturaonec juju bâbâfua mâro qânqân-jekicko razime qârerâ faharepic. Faharepire ñic jaŋe honerâ bipic-jeŋic tarawec. <sup>12</sup> Ehame sambânkonec wiwira kâcçene jaherao ziŋuc wahawec: “Ñohe zira wefunic.” Eme râsifâc-jekic honec-jofahapie karorac maŋko sambânko fepic. <sup>13</sup> Eme dameŋ ijaha sambânko fepire izia homeŋ sâko bawec. Bame hae sâkoo fiç gâcne, teŋkonec wâŋ irec sâc, herickehuc ñic 7 tausen jopame hâmombiŋ. Eme qâricne jumbiŋ jaŋe hâwic-jopame Anutu sambân rune mutenkembiŋ.

<sup>14</sup> Tucwipezi jei jahec â moc wirawec, ine ja-jahecte fârine fuawec, mocjahare fokac ine biac fuaocmu.

*Aŋelo namba 7 eki qeŋ qame wiac fuawec*

---

**11:8:** Jes 1:10; Luk 13:34    **11:10:** Mi Mâ 105:38    **11:11:** Ezek 37:5, 10; Fuf 15:12    **11:12:** Ñic II 2:11    **11:13:** Ezek 38:19, 20; Dan 2:19    **11:14:** Bar 9:12; 12:12

<sup>15</sup> Eme aŋelo namba 7 eki qeŋ qawec. Qeŋ qame sambâŋko micfânâŋ sâko embiŋ, ehuc zîŋuc mumbiŋ: “Zi mâreŋ sâko mâreŋ irec Wofuŋ jujure tâpiri i Wofuŋ-nâŋec â Kristo-ticne ere meo fekac, eme e guriŋ bapa gie barazihuc juocmu sanaŋ.” <sup>16</sup> Eme ŋicqizec 24 Anuture maio eri ŋeŋe-jeŋicko ŋembiŋzi waha fodaperâ Anutu zîŋuc muhuc daŋge nunumu ecnemiŋ:

<sup>17</sup> “Wofuŋ Anutu bapafâre, jumeŋzi juekic, nâŋe go daŋge mumuteŋ egareŋgopeneŋ. Go tâpiri sâkoge qaratiotec fuakac, ehuc Wofuŋ giege fuŋkerâ bataniŋkekic.

<sup>18</sup> Ŋicne ŋicne kimbeŋ qapie gore kimbenzi fuakac.

Erâ hâmokicne jaŋere dâŋ mutaracmurâ dameŋ maickekac.

Erâ kiŋaŋ qaqaŋge, porofete â mitiŋic, â araŋ bagareŋgopieŋ fekiŋe wahakiŋe, jaŋe furine jarecmurâ dameŋne maickekac, â mâreŋ sipirickeŋgopieŋ jaŋe sipiric-jopacmurâ irec dameŋ mâmâc maickekac.”

<sup>19</sup> Jaŋe iŋuc epie sambâŋko Anuture ufuŋ aŋkeme qorac tapa katapa ufuŋmaŋko tâtâc fuawec. Eme izia bâbâric â micfânâŋ â quŋ paran-daŋ â homeŋ â hoe sanaŋ hâhâwicne fuawec.

## 12

### *Sambâŋko ŋokac moc domawec*

---

**11:15:** Dan 2:44; 7:14, 27; 3ek 14:9; Wah 15:18; Mi Mâ 2:2; 10:16; 22:28    **11:16:** Bar 4:4, 10; 7:11    **11:17:** Wah 3:14; Jes 41:4; Bar 4:8; 18:8    **11:18:** Bar 15:1; Rom 2:5; Mi Mâ 2:1, 5, 12; 46:6; 99:1; 115:13; Amo 3:7; 3ek 1:6    **11:19:** Ŋic I 8:1, 6; Bin II 5:7; Wah 9:24; 19:16; Bar 15:5; 4:5

<sup>1</sup> Eme sambânko mâsi qârenj keczinuc fuawec: Nokac moc domawec, e zoanji rufacnekicne, kike jujuwicnao mosa newec, qizecnao bâpinj 12 izi hendiñ ecnemiñ. <sup>2</sup> Erâ e kiwechec, eme motec roocte gozi kime kio owa ewec. <sup>3</sup> E inuc ehuc domahame mâsi qârenj moc sambânkoa fuawec. Ine oâ sâko moc fowec, hawarine bâbâronj jâmbânj, qizecne 7 â zuñene 10, â qizec-ticne sâc ñicwofun ðu jaha ñerawec. <sup>4</sup> Eme gecnezi sambânko bâpinj gâcne qatarac-joparâ mârenjko sâroc-jopame wahambiñ. Oâ e inuc erâ, ñokac motec rozo ehame zinuc manasuhuc ra manfunnao fowec: Motec rome qâckezepac. <sup>5</sup> Eme motec rowec, e mârenj sâc ñicne ñicne aenj gunuzi soñan-jopaocte mucnekicne. Erâ motec fuame ine Anuturao baferâ eri ñeñe-ticnere manfunjko râekicne. <sup>6</sup> Â ñokac e ine mârenj tuhuo wiserâ rawec, ira zoanj gie bapa 1 tausenj â 260 gume jaunj ecneniñte Anutuzi ñeñe hae moc bâfuacnewec.

### *Satanj sambânkonec tunjkepie wahawec*

<sup>7</sup> Eme sambânko zika fuawec. Mikae â anelofâc-ticne jañe oâ qa jâpec ecneniñte râsi roroc embiñ, â ñifec oâ â anelofâcne jañe inuc jaha râsi roroc embiñ. <sup>8</sup> Erâ mi sananjkepiñ. Dockepie sambânj sakare-jarembiñ. <sup>9</sup> Ehuc oâ sâko, homa ranqa, demonj micne sâko Satanj hâcne, mârenj sâc ñic manj bâsifuc ejareekac, e hâcne tunjkepie mârenjko wahawec. E jahacne

---

**12:2:** Jes 66:7; Mik 4:10      **12:3:** Dan 7:7      **12:4:** Dan 8:10

**12:5:** Jes 66:7; Mi Mâ 2:9; Bar 19:15      **12:6:** Mat 2:13; Bar 11:2,

3      **12:7:** Dan 10:13, 21; 12:1

tunkehuc anelofâcne mâmâc tunjopapie wahambin. <sup>10</sup> Eme sambânko dân wiwira ziñuc fuame manapo: “Anutu-nâñecte bâbâpian â tâpiri â guriñ bapa gie â Kristo-ticnere Wofun qâreñ zi fua taniñkekac. Âgofâc-nâñec janere râsi, Anuturao ñafe furec qoric-jopaekac, e tunkenjopien hâcne. <sup>11</sup> Jané Lamare socko ñesiñnehuc miti hâwicmâc mutaniñkembinte sananñkembin, ehuc juju-jeñic mi sakarehuc hâmocte qikiñnembin. <sup>12</sup> Irec sambân mañne mañne â ira junjopienzi zeri enzepien. Â mâreñ â hâwec, jei, ñohe weniñuc enicmu! Zi Satañzi ñoñerao hufakac, erâ dameñ-ticne biac taraocmu, i manahuc aaric sâkohec jukac hâcne.”

### *Oâzi ñokac râsi ecnewec*

<sup>13</sup> Eme oâ e mâreñko behepie waharâ, ñokac motec rowec e râsi ecnewec. <sup>14</sup> Eme ñokac e tucwипе sâkore fakec jahecne râcnepie mâreñ tuhuo ñeñe hae-ticnao wiserâ homare hâhâwic sonñewec, ira gume jaun ecnehuc juhapie jara jahec â moc â moc nâfocne taraocmu. <sup>15</sup> Eme ñokac wisehame homa e râpefunao opâ mañume micticnaonec waharâ rumi sâko ewec, i ñokac jowaocte inuc ewec. <sup>16</sup> Eme mâreñzi ñokac ñezickehuc micne anñkeme oâzi opâ mañuwec i ira hufârewec. <sup>17</sup> Eme oâ e ñokacte mana gâpârerâ kikefunfâc-ticne jopaocte rawec. Anuture sâcmutâc dân reñkehuc Jesu

---

**12:9:** Luk 10:18; Fuf 3:1, 14; Joh 12:31; 3ek 3:1, 2    **12:10:** Bar 11:15; Hio 1:11; 3ek 3:1; Luk 22:31    **12:11:** Rom 8:37; Bar 7:14  
**12:12:** Jes 44:23; 49:13    **12:14:** Dan 7:25; 12:7

mutaniŋkeŋgopien jaŋe hâcne jopaocte rawec.  
 18 Ehuc hâwec moŋgeŋko hurâ domawec.

## 13

### *Hâwecmaŋkonec qowi mimicne wefuwec*

<sup>1</sup> Eme no honehape hâwecmaŋkonec qowi mimicne moczi wefuwec. E zuŋene 10 â qizecne 7, erâ zuŋene sâc ira ŋicwofuŋ du 10 ŋerawec. Erâ qizeticnao zâŋe qâreŋ simbiŋne forawec. <sup>2</sup> Qowi mimicne honepo e hawarine qâto iŋucne, menezî pusime iŋucne, â micnezi laioŋ mic iŋucne. Eme oâ e zoqac sasanaŋ-ticne â ŋicwofuŋ ŋeŋe-ticne â tâpîri sâko qikiŋnecnewec. <sup>3</sup> Qowi qizecne moc qâhâmokicne tinac honepo. Eme izi wicticne somieme biankewec. Eme irec mâreŋ sâc ŋic jaŋe qowi hone warec boc ecnehuc râpefuŋnao jumbiŋ. <sup>4</sup> Erâ oâ e qowi tâpîri râcnewecte mutenŋ bâteŋ ecnembiŋ. Ehuc qowi iŋuc jaha fenzoŋkehuc ziŋuc mumbiŋ: “Qowi e iŋucne mozi jukac? Erâ mozi moc wemo ecneocmu?”

<sup>5</sup> Eme sa hac mumutenŋ dâŋ â dâŋ gâgâpâcne muocte irec micne heteckekicne. Erâ gie-ticne i mosa 42 bahuc juocte dameŋ bacnekicne. <sup>6</sup> Eme irec Anutu e jahacne mecne â zâŋe biŋe-ticne mecne â sambânko ŋeŋe juju eengopien jaŋe mecne musoc qâsoriŋ ejarehuc juwec. <sup>7</sup> Erâ Anuture tirinŋicfâc râsi ejarehuc jopa sipiric ejareocte mana fâsâecnekicne, erâ wâc mâreŋne mâreŋne ŋic sa hac hawari-jeŋic â dâŋmarac-jeŋic

---

**12:17:** Bar 13:7; 14:12; 19:10; Joh I 5:10; Fuf 3:15    **13:1:** Bar 11:7; 17:3, 9, 12; Dan 7:7    **13:2:** Dan 7:4–6; Bar 12:3    **13:3:** Bar 17:8    **13:5:** Dan 7:8, 11, 25; Bar 11:2; 12:6, 14

fuņne fuņne jaņe ņicbombonj ejare-fâreocte tâpiri râcnekicne. <sup>8</sup> Eme mâreņņic sasawa jaņe mu zeri ecneniņmu, ņic zâņe-jeņic Lama qa hezuc ekicne ere juju papiao mârâc jaha mâreņ fufuaonecteaņ mi qâreņkekicne jaņe hâcne qowi iņuc ecne-fâreniņmu. <sup>9</sup> Hazecneheczi dâņ keczi manazejec: <sup>10</sup> “Moc e kâpâcwârure biņe eweczi kâpâcwâru ficko fezejec.

Moc e zikare biņe eweczi zika kizejec.”  
Tiriņic jaņe dameņ ira hâcne sasanajhec â manasiņhec junzepieņ.

### *Mâreņmaņkonec qowi moc wefuwec*

<sup>11</sup> Eme mâreņmaņkonec qowi mimicne moc wefume honepo, e lama iņucne zuņene jajahec sawa fowec. Dâņticnezi ine oâdâņ. <sup>12</sup> Eme qowi izi qowi mârâc wefuwec ere maio ere tâpiri gie jaha bahuc jukac. Ehuc mâreņņic ejareme mârâc qowi, hâmocne tinac erâ qârewec, e dienzi hecneengopieņ. <sup>13</sup> Erâ mâsi kâcqene baekac, ehuc mume mâreņņic honehapie sambâņkonec zoc wahaekac. <sup>14</sup> Mâsi iņucne hâcne baocce manacnekicnere mârâc qowi ere maio bahuc mâreņņic maņ bâsifuc ejareekac. Ehuc mume qowi hâmokicne tinac erâ qârewec ere hawari baengopieņ. <sup>15</sup> Hawari i barâ râepie domaha zâhec qowi e manacnekicnere bâqâreme dâņ dâņ

---

**13:7:** Bar 11:7; Dan 7:21      **13:8:** Dan 12:1; Mi Mâ 69:28; Jes 53:7; Bar 12:12; 3:5; 17:8      **13:10:** Jer 15:2; Mat 26:52; Bar 14:12

**13:11:** Bar 16:13; Mat 7:15      **13:13:** Mat 24:24; Tes II 2:9, 10; ņic I 18:24–39      **13:14:** Sâc 13:2–4; Bar 19:20

eekac. Dâñ dâñ ehuc mume ñic, e dienzi mi hec-  
neengopien jañe qâhâmoc-jopaengopien. <sup>16</sup> Erâ  
wâc fekicne â wahakicne, mafahec â hapetac,  
ñicbomboñ â kiñañ qaqa, ñic i mâmâc sasawa  
ejareme mefâre-jeñicko â mai-jeñicko maqâreñ  
bafâreengopien. <sup>17</sup> Eme qowire zâñe qâreñ â  
zare mi bajueñgopien, jañe wiac furi bapare aka  
hejareñgopien. <sup>18</sup> Mañqârâñ zira fokac: Ñic moc  
e mamana focnekacko qowi zare-ticnere fuñne  
bâfuazejec. Zare i ñic mocte zâñe. Zare hâcne i  
666.

## 14

### *Lama â kikefunfâc-ticne Zion tikio domambin*

<sup>1</sup> Eme no zâñe firâ mi Lama Zion tikio do-  
mame honezepac i! Erâ ehac ñic 144 tausen  
mâmâc domambin. Mai-jeñicko e jahacne zâñe  
qâreñ â Mamac-ticnere zâñe qâreñ fowec. <sup>2</sup> Eme  
sambâñkonec dâñfânâñ manapo, i opâ sâro fânâñ  
inucne â quñ fânâñ sâko inucne. Erâ dâñfânâñ i  
manape musi tinac ewec, ñic bocjaha musi bapie  
fânâñkeekac inuc tinac manapo. <sup>3</sup> Jañe eri ñeñere  
mañfunko â wiac jujune 4 â ñicqizec jañere maio  
gae qâricne moc heengopien. Gae i ñic gâcnezi he  
manac eene mi ewec, ñic 144 tausen, mâreññic  
gâcne jañeraonec furi bacjopakicne, jañe sawa  
mamanane. <sup>4</sup> Jañe hâcne ñokacko mi sâqorehuc  
mañqaqac jaha jumbin; jañe hâcne Lama jume

---

**13:15:** Dan 3:5, 6    **13:16:** Bar 19:20    **13:18:** Bar 17:9; 15:2;  
Ñic I 10:14; Eze 2:13    **14:1:** Ezek 9:4; Bar 7:4; 3:12    **14:2:** Ezek  
1:24; 43:2; Bar 1:15    **14:3:** Mi Mâ 33:3; 40:3; 96:1; 98:1; 144:9;  
Jes 42:10; Bar 5:9



ju ecneengopien; jaņe hâcne mârenņic gâcne jaņeraonec Anuture â Lamare qaņasune bâbâni rocjopakicne. <sup>5</sup> Erâ micjenickonec burecdâņ moc mi wahawec, jaņe bahacmâc.

*Aņelo jahec â moc jaņere dâņ wiwira fuawec*

<sup>6</sup> Eme no aņelo moc honepo, e faic sawao fotâcnehuc rawec. E mârenņic jaņere Biņebian fofo sanaņ, mâreņ sâc ņic saħac hawari-jeņic â dâņmarac-jeņic fuņne fuņne, jaņere bajuwec.

<sup>7</sup> Eki wiwic jaha wirahuc ziņuc muwec: “Ņoņe Anutu araņ bacnehuc sâsenzepien, okac damen-ticne maickekac hâcne. Sambâņ â mâreņ, hâwec â opâ zâņe bâfuawec e mu wâwâsic ecnenzepien.”

<sup>8</sup> Iņuc murâ rame râpefuņnao aņelo moczi warerâ ziņuc wirawec: “Babe hae sâko tâtiekak, tâtie-jâmbâņkekac, hae irec rune mâreņ sâc ņicne sasecte waiņ opâ momori gumec-jopahuc jumbiņ hâcne.”

<sup>9</sup> Eme râpefuņnao aņelo âgo-ticne moczi warerâ dâņ hahaņne bahuc ziņuc muwec: “Moc e qowi mimicne e jahacne me hawari-ticne dieņzi hecneocmu â mai-ticnao me meticnao maqâreņ roocmu, <sup>10</sup> e Anutuzi kimbeņ-ticnere waiņ opâ momori jâmbâņ, opâ jâmbâņhec mi bâsifuckekicne, i râqâc-ticnaonec gumeme tiri aņelo â Lama jaņere maio zocbârũko hurâ zâic serereņ mana rahuc juocmu. <sup>11</sup> Eme zoczi ņic iņucne zâfitac-jopame irec hosâcne ņezume ņezu

---

**14:4:** Kor II 11:2; Efe 5:27    **14:5:** Mi Mâ 32:2; Jes 53:9; Zef 3:13    **14:6:** Bar 8:13    **14:7:** Wah 20:11; Mi Mâ 146:6    **14:8:** Dan 4:30; Bar 18:2; Jes 21:9; Jer 51:7, 8    **14:9:** Bar 13:12–17; Mat 10:28    **14:10:** Jes 51:17; Mi Mâ 75:8; Fuf 19:24; Jer 25:15; Bar 16:19

fehuc foomu sanaŋ. Irec ɲic qowi mimicne â hawari-ticne dieŋzi hecnembiŋ jaŋe mecne, â zâŋe qâreŋ-ticne bajumbiŋ jaŋe mâmâc zâiczi mi beheç-jopame ɲeŋe mana tâmiric ɲafe furec zuzuhuc jaha mana rahuc juniŋmu.” <sup>12</sup> Dameŋ ira hâcne Anuture sâcmutâc dâŋ reŋkehuc Jesure miti hâwicmâc bajueŋgopieŋ tiriŋic i jaŋe sasanan bâfuanzepeŋ.

*Mitio hâmokicne jaŋere dâŋ*

<sup>13</sup> Eme sambânkonec dâŋ moc ziŋuc wahame manapo: “Go dâŋ zi qâreŋkeç: Dameŋ zi fuŋkerâ, Wofuŋtao qohotahuc hâmoniŋmu jaŋere bubiaŋ manazo. Mârozi mukac, jâmbomac, jaŋe neneŋ gie-jeŋic hetararâ ɲemanahuc biaŋ-jopaocmu. Erâ juju bapa-jeŋicte fârinezi rapie raocmu.”

*Mâreŋkonec mitiŋic rocjopazo irec sâsâc fuawec*

<sup>14</sup> Eme no fipe feme karorac qaŋqaŋ ututuŋ fuame honepo. Erâ karorac faio moc ɲewec, e hawari-ticne ɲic iŋucne. Qizec-ticnao ɲicwofuŋ du golzi bakicne roŋewec â meticnezi sâqe mic-tara baŋewec. <sup>15</sup> Ehame ufuŋkonec aŋelo moczi waharâ karorac faio ɲewec, e ziŋuc wiracnewec: “Go sâqegezi gie fârine qa roro ec, mâreŋko giere fârine woze-fârewecte qa roro ezore dameŋne maickekac hâcne.” <sup>16</sup> Iŋuc mume karorac faio ɲeweczi sâqe-ticne wickeme mâreŋko fârine qafârewec.

**14:11:** Jes 34:9, 10; Bar 19:3  
Jes 57:2; Heb 4:10; Kor I 15:58  
41 **14:15:** Joe 3:13

**14:12:** Bar 13:10; 12:17 **14:13:**  
**14:14:** Dan 7:13; 10:16; Mat 13:39,

*Sâqocne bapa okacne fisi-jareocmu irec sâsâc fuawec*

<sup>17</sup> Eme aŃelo moczi sambâŃko ufuŃkonec wahawec, e iŃuc jaha sâqe mictara bajuwec. <sup>18</sup> Warehame âgo-ticne moczi alata Ńeweckonec warewec. E zocte soŃaŃzi âgo-ticne sâqe mictara bajuwec e ziŃuc wiracnewec: “Go sâqege mictara mâreŃko waiŃ fârine qâtâcne-fârec, hândâŃne qeue- fârekac hâcne.” <sup>19</sup> Mume aŃelo âgo-ticnezi sâqe wickeme mâreŃko waiŃ hândâŃne nâtâcneme Anutu kimbeŃ- ticnere katapa sâko irec maŃko beheme hufârewec. <sup>20</sup> Erâ hae râpeo âte pisickepie katapa maŃkonec socsâko wahahuc fowec. Wahaku zâkâŃne fuarâ becâsic mecqaŃeŃ-jeŃicko qawec. Â zâkâŃ rereŃ zoric-ticnere sâc ine 300 kilometa iŃuc Ńerawec.

## 15

*KiruŃzi hâwec irec mecnao gae hembij*

<sup>1</sup> Eme sambâŃko mâsi qâreŃ sâko bipinehec moc honepo. AŃelo 7 jaŃe wiac micne momori 7 badomambiŃ. Wiac i mimic fua-hame Anuturaonec okacne fisi taraocte mukicne. <sup>2</sup> Erâ hâwec moc honepo, i kiruŃzi barâ zocbâruihec bâbâsifuc ekicne tinac fome honepo. Erâ qowi mimicne ere dâŃ â hawari â zare qâreŃ i sanaiŃkerâ qikiŃnembij Ńic i jaŃe kiruŃzi hâwec irec mecnao Anuturaonec musi badomapie honec-jopapo. <sup>3</sup> JaŃe Anuture

---

**14:18:** Joe 3:13    **14:19:** Bar 19:15    **14:20:** Joe 3:13; Jes 63:3

**15:1:** Tah 26:21; Bar 6:17; 12:1; 11:18    **15:2:** Bar 4:6; 13:15; 5:8

kiŋaŋŋic Mose â Lamare gae kecziŋuc muhuc heŋgopien:

“O Wofuŋ Anutu bapafâre,  
go gie fekicne â bipinehec baekic.

Nicne ŋicne jaŋere Wofuŋ Sâko,  
go hatage tiŋne â fâri fideten.

<sup>4</sup>Wofuŋ go mozi araŋ mi bagareocmu  
â mozi zâŋege mi mumbiankeocmu?

Go mocjahazi tiri hâcne.

Irec ŋicne ŋicne gorao warerâ dienzi  
hegareninmu.

Go bâbâtiŋ gie fârine batec fuŋne taniŋkekac  
hâcne.”

### *Aŋelo 7 râqâc-jeŋichec fuambin*

<sup>5</sup> Eme no zâŋe firâ honehape sambânko  
ufuŋ qoruc boze-ticnehec irec motâc aŋkewec.

<sup>6</sup> Aŋkeme aŋelo 7 wiac micne momori 7 bajumbin,  
jaŋe ufuŋkonec wahambin. Jaŋe ŋaqi qaqaŋe  
qaŋqaŋ rojumbin, â amec-jeŋicko umbika golzi  
bakicne fowec. <sup>7</sup> Eme wiac jujune 4 domambin  
jaŋeraonec moczi aŋelo 7 râqâc 7 golzi bakicne  
jare-fârewec. Râqâcmaŋko ine Anutu juju  
sanaŋ runere kimbeŋ fusucmarâ fowec. <sup>8</sup> Eme

ufuŋmaŋko Anutu tatamac-ticnere â tâpiri-ticnere  
hosâc fuarâ fusucma-fârewec. Eme aŋelo 7 jaŋe  
wiac micne momori 7 mi bâfua tarahapie ufuŋko  
fefere hata mi fuawec.

---

**15:3:** Sâc 32:4; Jos 14:7; Jer 10:6, 7; Bar 5:9    **15:4:** Mi Mâ 86:9;  
Mal 1:11    **15:5:** Wah 40:34; Bar 11:19    **15:6:** Tah 26:21; Ezek  
28:13    **15:7:** Bar 4:6–8; 14:10    **15:8:** Nïc I 8:10; Jes 6:4; Ezek  
44:4

# 16

*Aṅelo 7 jaṅe râqâc-jeṅickonec wiac mâreṅko hoṅkepie wahawec*

<sup>1</sup> Eme ufuṅmaṅkonec dâṅ wiwira sâko wahame manapo. I aṅelo 7 ziṅuc jazawec: “Ṇoṅe rarâ râqâc 7 hoṅkepie Anuture kimbeṅzi mâreṅko huzejec.” <sup>2</sup> Eme aṅelo namba 1 eki rarâ râqâc-ticnaonec wiac hoṅkeme mâreṅko huwec. Hume ṅic qowi mimicnere zâṅe qâreṅ bajumbiṅ â hawari-ticne dieṅzi hecnembiṅ jaṅe wiczâhâc zâic sisiac-ticnehec mâretec fua-jarewec.

<sup>3</sup> Eme aṅelo namba 2 eki râqâc-ticnaonec wiac hâwecko hoṅkeme huwec. Hume hâweczi soc tânipu tinac ewec. Eme irec hâwecko qowi hâmo-fârembiṅ.

<sup>4</sup> Eme aṅelo namba 3 eki râqâc-ticnaonec wiac hoṅkeme opâo â riqicko hume soc efârewec.

<sup>5</sup> Eme aṅelo opâ soṅaṅ râekicne eki ziṅuc mume manapo:

“Tiṅne â tiri, jumeṅzi juekic,  
okac babazuge bâbâsifuc tâmiric.

<sup>6</sup> Jaṅe mitiṅic â porofetefâcge  
jaṅere soc sipirickembiṅte  
soc jaha gumec-jopatec nâṅgopiṅ.  
Eme i sâcke-jarekac.”

<sup>7</sup> Eme alatazi dâṅ ziṅuc mume manapo:  
“Jâmbomac, Wofuṅ Anutu bapafâre,

---

**16:1:** Jes 66:6; Mi Mâ 69:24; Jer 10:25; Zef 3:8    **16:2:** Sâc 28:35; Wah 9:10, 11    **16:3:** Wah 7:17–21    **16:4:** Wah 7:19–24; Mi Mâ 78:44    **16:5:** Mi Mâ 119:137; 145:17; Wah 3:14; Sâc 32:4; Jes 41:4    **16:6:** Jes 49:26; Mi Mâ 79:3

okac babazuge tinje â fâri fideten.”

<sup>8</sup> Eme aņelo namba 4 eki râqâc-ticnaonec wiac honkeme zoaņko huwec. Ira hume zoaņ zocne bârunke-jâmbânkerâ ñic mâretec zacjopawec.

<sup>9</sup> Eme ñic jaņe zoaņ fâroroc-ticnezi boc rikec-jopame Anutu, micticnere wiac micne momori inuc fuawec, e zâņe biņe-ticne musâqorembiņ. Erâ manjenic sifu mi bârisierâ Anutu mi sâsembiņ.

<sup>10</sup> Eme aņelo namba 5 eki râqâc-ticnaonec wiac qowi mimicnere ñicwofuņ ñeņeo honkeme wahawec. Wahame hae mâreņ-ticne dapâc efârewec. Eme ñic jaņe zâic serereņ manahuc nameņ-jeņic kitâcnemiņ.

<sup>11</sup> Eme zâic-jeņicte â wiczâhâc-jeņicte Anutu sambâņ rune musorinķemiņ. Ehuc manjenic mi bârisierâ juju bapa-jeņic mi qikinemiņ.

<sup>12</sup> Eme aņelo namba 6 eki râqâc-ticnaonec wiac honkeme Eufrata opâ sâkoo huwec. Hume opâ zickewec. I hata fuame zoaņ wewefunaonec ñicwofuņ fisiniņte inuc fuawec.

<sup>13</sup> Eme no honehape oâre mickonec â qowi mimicnere mickonec â porofete burecne ere mickonec demon repicne jahec â moc qaqec hawari tinac wefumiņ.

<sup>14</sup> I jaņe demon fârine, mâsi wiac baniņte tâpiri fojarekac. Jaņe hâcne mâreņ sâc irec ñicwofuņ qafeņ-jopapie Anutu bapafâre ere dameņ sâkoo râsi roroc erâ fisirâ qaqac eniņmu.

---

**16:7:** Mî Mâ 19:9; 119:137; Bar 9:13; 19:2    **16:10:** Wah 10:21; Jes 8:21, 22    **16:12:** Fuf 15:18; Sâc 1:7; Jos 1:4; Jer 50:38    **16:13:** Bar 12:9; 13:1, 11; Wah 8:3; Nïc I 22:21–23    **16:14:** Bar 13:13; 19:19

15 “Manan̄gopien̄, no zika qaqa jañe in̄ucne utu-  
tuñ fisipemu. Irec moc e biuctac jume mimi-ticne  
fuazacte man̄qâri juhuc ñaqi-ticne soñan̄kezejec.  
In̄uc eocmu ere manape zerine ekac.” 16 Eme  
demon̄ jañe mâren̄ moc zân̄ene Judadân̄ko Ham-  
agedon̄ mukicne, ira ñicwofuñ hetuman̄-jopa-  
fârembin̄.

17 Eme an̄elo namba 7 eki râqâc-ticnaonec wiac  
sawao hon̄keme huwec. Eme ufuñko eri ñeñe  
ñeweckonec dân̄ wiwira moc zin̄uc wahawec:  
“Efârekecne.” 18 Eme bâbâric â quñ parandan̄ â  
micfânân̄ fuawec â homeñ kâcçene sâko jâmbân̄  
bawec, sâc in̄ucne moc ñic luarâ juwarembin̄ko  
mi bawec. 19 Eme hae sâko fâuckeme jahec â moc  
ewec. Erâ mâren̄ sâc ñic jañere hae tâtie-fârewec,  
â Babe hae sâkore rufâc jañere Anutuzi in̄uc  
jaha manasurâ kimben̄-ticnere wain̄ opâ gumec-  
jopawec. 20 Erâ wâc nuc â tiki mâmâc sirowe-  
fârembin̄. 21 Â sambân̄konec hoe sanan̄ hewec,  
hândân̄ne buse in̄ucne, izi ñic hecjopame Anutu  
musorin̄kemin̄. Hoe i hâhâwicne jâmbân̄, ima-  
ticnehec.

## 17

### *Ñokac moc qowi bâbâron̄ko ñewec*

1 Eme an̄elo 7 râqâc 7 bajumbin̄ jañeraonec  
moczi norao warerâ zin̄uc nazawec: “Sasec ñokac  
sâko opâ kâcçenao ñeekac e okacne fisicneocmu,

---

**16:15:** Bar 3:18; Tes I 5:2    **16:16:** Mum 5:19, 31; 3ek 12:11;  
Ñic II 9:27; 23:29    **16:17:** Jes 66:6    **16:18:** Wah 19:16; Dan  
12:1; Bar 4:5; 8:5; 11:18    **16:19:** Dan 4:30; Jes 51:17; Jer 25:15;  
Bar 14:10    **16:20:** Bar 6:14; 20:11    **16:21:** Wah 9:23

i waretec gowatupe. <sup>2</sup> MâreŃne mâreŃne ńic jaŃe ehec sasec eec eęgopieŃ â mâreŃ sâc ńicwofuŃ jaŃe eraonec hâcne sasec-ticnere waiŃ opâ nârâ maŃsifuc ejareekac.” <sup>3</sup> IŃuc nazame maŃnane ńerisieme mâreŃ tuhuo jowacnu rawec. Eme ira ńokac moc honepo, e qowi mimicne bâbâroŃ moc ere faio ńewec. Qowi sa hac-ticnao zâŃe qâreŃ simbiŃne fuŃne fuŃne sâcke-fârerâ fowec. Erâ qowi hâcne e qizec-ticne 7 â zuŃene 10. <sup>4</sup> Â ńokac e ńaqi bâbâroŃ â âmuc âmucne rojuwec, erâ erizi kiseŃ qâseŃ kiwec. Meticnezi râqâc moc golzi bakicne badomawec, i sasec-ticnere sohoŃ mamakâczi fusewec. <sup>5</sup> Mai-ticnao zâŃesoeŃ-ticne kecziŃuc qâreŃkecicne fowec: “Babe hae sâko, mâreŃ sâc sasec mamakâc wiac irec neŃgoe no hâcne.” <sup>6</sup> Eme ńokac e tiriŃic â Jesure mutaniŃfâc jaŃere soc nâku maŃne bibiriwame honepo. Honerâ bipic tatara enarewec.

### *Qowi qizecne 7 irec dâŃ*

<sup>7</sup> Eme aŃelozi ziŃuc muhuc wio-narewec: “Wemocte bipic tatara egarekac? No ńokacte fuŃne â qowizi âsickekac ere fuŃne â qowi qizecne 7 â zuŃene 10 irec fuŃne mâmâc gazape manac. <sup>8</sup> Go qowi mimicne honemec i mârâc jaha juwec, zi mi jukac, zâhec ine hârâckonec risie wefurâ sisipiric sanaŃko huocmu. Eme qowi mârâc juwec, zi mi jukac, juku ine risieocmu, i mâreŃko ńic jaŃe honerâ mu warec ecneniŃmu. ZâŃe-jeŃic

---

**17:1:** Jer 51:13; Bar 15:1      **17:2:** Jes 23:17; Bar 14:8; 18:3

**17:3:** Dan 7:7; Bar 13:1      **17:4:** Ezek 28:13, 16; Jer 51:7      **17:5:**

Tes II 2:7; Dan 4:30; Bar 14:8; 16:19      **17:6:** Bar 18:24



mâreŋ fufuaonecteaŋ juju sanaŋte papiao mi qâreŋkekicne, ŋic i jaŋe hâcne iŋuc eniŋmu. <sup>9</sup> Zi maŋqârâŋheczi mamananane fokac: Qizecne 7 i tiki 7, ŋokaczi ŋefackekac hâcne. <sup>10</sup> Eme tiki 7 izi ŋicwofuŋ 7. Ŋicwofuŋ 5 arictac embiŋ, moc zi jukac â moc juku fuaocmu. Fuarâ damaŋ bembene mac juocte mucnekicne. <sup>11</sup> Qowi mârâc juwec, zi ine mi jukac, izi ŋicwofuŋ 7 jaŋere birio zuhuckehuc namba 8 eocmu, erâ sisipiricko huocmu.

### *Zuŋene 10 irec dâŋ*

<sup>12</sup> “Zuŋene 10 honemec i ŋicwofuŋ 10 jaha wâc, erâ jaŋe gie-jeŋic damaŋ ziŋuczia mi fuŋkembiiŋ. Ŋicwofuŋ gie-jeŋic fuŋkerâ qowi mimicnehec damaŋ bembene mac baniŋmu. <sup>13</sup> Jaŋe maŋ mamasasu-jeŋic mocjaha fome qowi mimicnere kiŋaŋ zoqachec qaniŋmu. <sup>14</sup> Ehuc Lamahec zika gie baniŋmu. Eme Lama eki ine sanaŋkerâ jopaocmu. Eki hâcne fekcicne jaŋere Fekicne â ŋicwofuŋ jaŋere Wofuŋ Sâko. Â jume jujufâc-ticne rowosâec-joparâ rocjoparâ bufuŋfâc-ticne bacjopakicne hâcne.”

### *Ŋokacte dâŋ*

<sup>15</sup> Iŋuc murâ ziŋuc zuhuckerâ nazawec: “Sasec ŋokac e opâ sâko irec mecnao ŋeme honemec, opâ izi ŋicne ŋicne, sahaç hawari â dâŋmarac fuŋne fuŋnehec. <sup>16</sup> Erâ zuŋene 10 honemec, jaŋe mecne â qowi e mâmâc qaisockerâ ŋaqi

---

**17:8:** Dan 7:3; 12:1; Mi Mâ 69:28; Bar 13:1–3; 3:5    **17:9:** Bar 13:1, 18    **17:11:** Bar 19:20    **17:12:** Dan 7:20, 24    **17:14:** Sâc 10:17; Dan 2:47; Bar 19:14, 16    **17:15:** Jes 8:7; Jer 47:2; 51:13

wiac jâoc rofârerâ biucne nârâ siec sahadne zoocko rikeninmu. <sup>17</sup> Erâ i mâc mi eninmu, Anutuzi manjenjicko mu qafen râeme jaje dânticne renkehuc man mocjaha efârerâ qowi kinan qacneninmu. Qacnehuc juhapie Anuture dân hâcne sananke-fâreocmu. <sup>18</sup> Erâ go nokac honemec i hae sâko, e hâcne mâren sâc njicwofun ejareme kinan qacneninje tâpiri focnekac.”

## 18

### *Babe hae tâtieocmu irec dân*

<sup>1</sup> Eme no anelo moc sambânkonec wahame honepo. E tâpiri kâcçene focnewec â tatamac-ticnezi mâren batamae-fârewec. <sup>2</sup> E wira owa ehuc zinuc muwec:

“Babe hae sâko injuc jaha tutunke sanan tunkezo, Ehuc demon jajere hae gie ekac, demon mamakâcne jaje tuhu- ticnao sonkeninmu, homa â bioc bioc mamakâcne jajere fic hae ekac. <sup>3</sup> Mâren sâc njic jaje sasec-ticnere wain opâ nâhuc jumbin, mâren sâc njicwofun jaje warerâ sasec gie bahuc jumbin, hae sâc siricfâc-ticne fisi mazuc mâriri-ticnere erâ monen mafa sâko hurembin, irec hâcne tâtiekac.”

### *Hae sâko e Anuture micte ima qazo*

---

**17:16:** Bar 12:13; 18:8    **17:17:** Bar 10:7    **17:18:** Mi Mâ 2:2; 89:27; Bar 18:10    **18:1:** Bar 10:1; Ezek 43:2    **18:2:** Dan 4:30; Bar 14:8; Jes 13:21; 21:9; 34:11; Jer 9:11; 50:39; 51:8    **18:3:** Jes 23:17; Nah 3:4; Jer 25:15, 27; 51:7

<sup>4</sup> Eme sambânkonec dân wiwira moc zîñuc wahame manapo:

“Ñicfâc-nane ñoñe hae i beherâ wiseniñ, ira juhuc sâqocnere bafickenzipiñte â wiac micne zâicne ñoñerao fotâcnezacte.

<sup>5</sup> Hae izi sâqocne fainezi faine hefekume sambân heuakac.

Eme zi Anutuzi kiñticnere mukac.

<sup>6</sup> Irec fisicnerâ eñarewec sâc ecnenzepiñ, ehuc sâc bafehuc okacne bazucnenzepiñ, katucne oto gomba ijaha bafehuc râcnenzepiñ.

<sup>7</sup> Sahac bapa ehuc nâ añac â gae woñgâñ bajuwec irec sâc zâic serereñ â ki busâqoc bâfuacnenzepiñ.

E mañticnezi muekac, ‘No zi ñokac bombon sâko, no hozec aricne, bubian faioa jurahuc jupemu.’

<sup>8</sup> Iñuc muekacte zoañ gie bapa ijaha erao wiac micne zârâne fuaocmu, huc hâmoc, ki mamakuc â roroc, erâ wâc zocte temane eocmu.

Wofuñ Anutu e tâpiri runezi kiñticne batarakac hâcne.”

*Siricfâc-ticne ki busâqoc eniñmu*

<sup>9</sup> Eme mâreñ sâc ñicwofuñ ehec sasec â tiwâ zepec gae wowo ehuc jumbiñ, jaje zoc hosâc-ticne feme honerâ ki mamakuc â hobu heheric eniñmu. <sup>10</sup> Ehuc ima-ticne honerâ bipic

---

**18:4:** Jes 48:20; 52:11; Jer 50:8; 51:6, 9, 45    **18:5:** Fuf 18:20, 21; Jer 51:9    **18:6:** Mî Mâ 137:8; Tes II 1:6; Jer 50:15, 29    **18:7:** Jer 50:29; Jes 47:7, 8    **18:8:** Jes 47:9; Jer 50:34; Bar 17:16    **18:9:** Ezek 26:16; 27:30–35; Jes 23:17; Bar 17:2

tatara ejareme taicko domahuc wâsickerâ muninmu:

“Jei, jei, hae sâko!

Babe hae sanaŋ go,

okacne qeŋfâfâc jaha fisi-garekac ine.”

<sup>11</sup> Â haene haene siricfâc-ticne jaŋe mozi mafanâŋec furine baocmu muhuc inuc jaha ki busâqoc eninmu. <sup>12</sup> Mafa ine kecziŋuc narenŋ garenŋ embin: Gol â siliwa â kubu furi sâko â qoruc erinehec sasawa, qaŋqaŋ â bâbâronŋ, hamenŋe â qâfoŋne, erâ mondanjâczi wiac bakicne â elefante zuŋenezi wiac bakicne, erâ bonezi â aenŋi â wapazi â qânâzi wiac bakicne, <sup>13</sup> erâ musijâc sahadne â tokic â kânâ â opâ âsu â hosâc âsu bianŋ, erâ wainŋ opâ â saŋ fâric â hâmu gai, erâ lama bulimakao â becâsic keretac wiac, â kiŋaŋ qaqa motec.

<sup>14</sup> “Zi ine mâririge honerinŋ qârinŋ ehuc juekic i arictac efârewec.

Erâ zâmbânŋ titikucge qaŋzewec,

â eri qarawenŋe somarewec,

wemocko mocwâc fua-gareocmu!”

<sup>15</sup> Eme siricfâc-ticne wiac inucne ehac narenŋ garenŋ ehuc moneŋ mafa sâkohec embinŋ, jaŋe ima-ticne honerâ wiwicko domahuc ki mamakuc erâ wâsickehuc ziŋuc muninmu:

<sup>16</sup> “Jei, jei, hae sâko,

go ŋaqi qoruc qârenzia kirâ qârikuakicne roju jumec

â eri fuŋne fuŋne furi sâko irec maŋko jujumec!

---

**18:10:** Dan 4:30; Ezek 26:17; Jes 21:9; Jer 51:8; Bar 14:8    **18:11:** Ezek 27:31, 36    **18:12:** Ezek 27:12, 13, 22    **18:13:** Ezek 27:13

**18:15:** Ezek 27:31, 36    **18:16:** Bar 17:4

17 Zi mafa mâirige qeṇnea imacke-fârekicne ine.”

Erâ wâc woke rune â wokeo gie bapa ṇic hâwecko rac warec eenḡopien, jaṇe iṇuc jaha zoc hosâc-ticne feme honerâ taicko ṇehuc <sup>18</sup> ki oowa erâ ziṇuc mumbiṇ:

“Busâqoc, hae sâko iṇucne moc wena ṇekac?”

19 Iṇuc murâ mâsic ruarâ ki busâqoc â mu mamakuc erâ ziṇuc mumbiṇ:

“Jei, jei, hae sâko,

gore erâ woke rune moneṇ mafahec embiṇ.

Eme zi ututuṇ jaha hae sesuc fuawec.

20 Sambân â tiriniṇic â aposolo â porofete

ṇoṇe ine zeri bubianṇ enzepien;

hae sâkore kiṇ ṇoṇerao fowec i Anutuzi batarakac hâcne.”

*Hae sâko i tuhu erâ nininṇ siarerenṇ footce mukicne*

21 Dâṇ iṇuc fuame aṇelo sananṇe moczi buse sâko ro bafaharerâ hâwecko sârockeme huwec. Hume kecziṇuc muwec:

“Babe hae sâko iṇuc jaha tutuṇke sananṇuṇkezo, eme omae-jâmbânṇkezejec.

22 Eme musi bapa gita qaqa guru jaṇere marac fânân

i gorao mocwâc mi fuazejec,

â metâ qârenṇ wiac bâbâfua

i gorao arictac ezejec.

Eme gie wiac fânânṇ tâmiric

nac gumororo barâ fozejec.

**18:17:** Jes 23:14; Ezeḡ 27:27–29      **18:18:** Ezeḡ 27:32; Jes 34:10

**18:19:** Ezeḡ 26:19; 27:30–34      **18:20:** Sâc 32:43; Jes 44:23; Jer 51:48

**18:21:** Ezeḡ 26:21; Dan 4:30; Jer 51:63, 64      **18:22:** Jes 24:8; Ezeḡ 26:13

23 Lambe zoc tatamacne  
gorao moc mi fuazejec,  
â ñic ñokac jañere dân gâgâwi  
inuc jaha moc mi fuazejec.  
Siricfâcge jañe mâreñ sâc ñicbomboñ sâko erâ  
jurambin,  
â gore qañgeczi mâreñ sâc ñic manjenic  
bâsifuckewec.  
24 Erâ porofete â tiriñic â mâreñ sâc ñic jopakicne  
jañere socte kin i gorao fokacte inuc egarezo.”

## 19

*Johane e sambânko zeri mumutenj fuame man-awec*

<sup>1</sup> Eme no sambânko ñic guru sâko jañere miczonzon tinac manapo, jañe musereckerâ zinuc mumbin:

“Haleluja, bâbâpian ã eri tatamac ã tâpiri qunqasan,

i Anutu-nâñec erao fokac.

<sup>2</sup> Eki hâcne okac babazu gie bame

fârinehec ã sâckoa eekac.

Sasec ñokac sâko e mâreñ sâc ñic

sasec qazu-jarehuc sipiric-jopawec

ere kinfofa bazuwec,

ehuc ñicfâc-ticne jañere socte kin

fowec i batarawec.”

<sup>3</sup> Inuc murâ harierâ musereckerâ mumbin:

“Haleluja, hae sâko ere hosâczi

---

**18:23:** Jer 7:34; 16:9; 25:10; Jes 23:8; 47:9      **18:24:** Jer 51:9;

Mat 23:35; Bar 6:10; 17:6; 19:2      **19:1:** Mi Mâ 104:35; Bar 11:15

**19:2:** Ñic II 9:7; Sâc 32:43; Mi Mâ 19:9; 119:137; Bar 16:7; 6:10

ņezurâ ñezu fehuc foomu sanaj.”

<sup>4</sup> Eme ñicqizec 24 â wiac jujune 4 jaņe waha fodaperâ Anutu eri ñeņe-ticnao ñewec e mutenkehuc zinjuc mumbiņ: “Jâmbomac, Haleluja.” <sup>5</sup> Eme eri ñeņe ñeweckonec dâņ zinjuc fuawec:

“Anuture kiņaņñicfâc ñoņe e mutenke-fâreniņ, fekicne wahakicne araņ bacneņgopienzi iņuc hâcne eniņ.”

### *Lamare zeri hombaņ*

<sup>6</sup> Eme no miczonzoņ sâko tinac mocwâc manapo, i opâ sâro fânâņ â qunfânâņ tinac ewec. Ine wiwira dâņ zinjuc fuawec:

“Haleluja, Wofuņ Anutu-nâņec bapafâre e guriņ bapa gie-ticne tâtâc funkekac.

<sup>7</sup> Irec nâņâc zeri bubiaņ ecnehuc mumbiankenaņ. Lamare zeri hombaņ maickekacte biņefâc-ticne zawieņgopien.

<sup>8</sup> Jaņe ñaқи qaņqaņ kisieckekicne rojuniņte mana-jarekicne.”

Wofuņte tirinçfâc eebapa tiņne bâfuambin, izi ñaқи-jeņic ekac hâcne. <sup>9</sup> Eme dâņ moc nazawec, “Go kecziņuc qâreņkec: Lamare zeri hombaņko tiwâ bâzi nâniņte hefârec-jopakicne, jaņe zeri bubiaņ mana-jarezo.” Iņuc murâ muwec: “Dâņ gazakopac i Anuture dâņ fâri hândâņne jâmbâņ.”

<sup>10</sup> Iņuc nazame no dienzi hecnerâ numucnezo

---

**19:3:** Mi Mâ 104:35; Jes 34:10    **19:4:** Bar 5:14; Jes 6:1; Mi Mâ 47:8; 106:48    **19:5:** Mi Mâ 22:23; 115:13; 134:1; 135:1    **19:6:** Dan 10:6; Bar 11:15; Ezek 1:24; 43:2; Mi Mâ 93:1; 97:1; 99:1    **19:7:** Mi Mâ 118:24; Bar 21:2, 9    **19:8:** Mi Mâ 45:14; Jes 61:10    **19:9:** Luk 14:15

ehape qatara-narerâ muwec: “Misac, injuc mi ec, no kinan qaqa âgoge, â qomâfâcge Jesu hâwicmâc mutaniñkeñgopien janere âgo jaha. Go Anutu e jahacne sawa danje nunumu ecnec.” Jesu mumutaniñke i findandâñ mumu Mâro ere gie.

*Johanezi Jesu â momorifâcne honec-jopawec*

<sup>11</sup> Eme no zâñe firâ mi sambân anñkeme becâsic qañqañ moc honezepac i! Eme fainao ñewec e zâñene Mume sasanañ â Fârine mumu. E okac babazu gie â zika gie bâbâsifuc tâmiric sâkoa baekac. <sup>12</sup> Zâñe jahec-ticne zocbârur injucne, qizec-ticnao ñicwofur du bocjaha ñewec. Erâ zâñe qâreñ-ticne fowec i e jahaczia buc wose manac eekac. <sup>13</sup> Naqi zora-ticne i soc ruacne-kicne, erâ zâñe-ticne i “Anuture Micdân” mukicne. <sup>14</sup> Rame sambânñkonec momori gurune gurune jâne becâsic qañqañkoa ñehuc bâjâpembin. Naqi-jenñc qañqañ kisieckekicne. <sup>15</sup> Micticnaonec ine sâqe zika mictara moc wefuwec, izi hâcne ñicne ñicne jopa bâtin ejareocmu. Erâ aenñ gunu bajuhuc soñan-jopaocmu. Erâ Anutu bapafâre ere kimbeñ bajanñkeñhuc tofa babazu gie baocmu. <sup>16</sup> Naqi-ticne ombânñnao zâñe qâreñ-ticne zinjuc fokac, ñicwofur janere Wofur Sâko, fekicne janere Fekicne.

*Jesu e micticnaonec zikazi râsifâcne jopafâreocmu*

---

**19:10:** Bar 12:11; 22:8; Apo 10:25, 26    **19:11:** Ezek 1:1; Mi Má 96:13; Bar 3:14; Jes 11:4    **19:12:** Dan 10:6; Bar 1:14; 2:18; 3:12  
**19:13:** Jes 63:1; Joh 1:1    **19:14:** Bar 17:14    **19:15:** Bar 12:5; 14:20; Jes 11:4; 63:3    **19:16:** Sâc 10:17; Dan 2:47; Bar 17:14; Tim I 6:15



<sup>17</sup> Eme no zâņe firâ aņelo moc zoaņko domame honepo. E ira domahuc wipe sawao rac warec embiņ jaņe mâmâc sasawa wiwic jaha wira-jarehuc muwec: “Anutuzi zepec sâko bâfuakacte ware tumaņne-fâreniņ, <sup>18</sup> ehuc ņicwofuņ jaņere saħac biuc â fekicne jaņere saħac biuc â ņic sanaņne jaņere saħac biuc, erâ becâsic â momorifâc-jeņic jaņere saħac biuc erâ ņic mâmâc sasawa, ņicbomboņ â kiņaņ qaqa, fekicne â waha-kicne jaņere saħac biuc nâfârenzepieņ.” <sup>19</sup> Eme no qowi mimicne e â mâreņ sâc ņicwofuņ â momorifâc-jeņic tumaņne-fârepie honec-jopapo. Jaņe becâsic qaņqaņko ņewec e â momorifâcne râsi ejareniņte fisimbiņ. <sup>20</sup> Eme qowi mimicne â porofete burecne-ticne jahe dockepic. Porofete burecne eki hâcne qowi mimicnere maio mâsi fuņne fuņne bawec, ehuc qowi mimicnere zâņe qâreņ bajumbiņ â hawari-ticne dienzi hecnembiņ ņic i maņ bâsifuc ejarewec. Eme jahe qâricne rocjofarâ lambe opâre riqiczi zoc zahuc foekac ira behec-jofapie hupic. <sup>21</sup> Gâcne sâko jaņe ine becâsic qaņqaņko ņewec ere mickonec sâqe zikazi waharâ jopa-fârewec. Eme wipe jaņe fisirâ saħac biuc-jeņic nârâ gagapec embiņ.

## 20

### *Juku Satan kâpâcwâru baniņmu*

<sup>1</sup> Eme no sambâņkonec aņelo moczi wahame honepo. E hârâcte ki â kâpâcwâru sâko moc

---

**19:17:** Ezek 39:4, 17–20    **19:19:** Mi Mâ 2:2; Bar 16:16    **19:20:** Bar 13:11–17; 20:10; Dan 7:11, 26    **19:21:** Ezek 39:17, 20

bajuwec. <sup>2</sup> Erâ e oâ, homa ranqa, demonj micne Satan hâcne, e rorâ kâpâcwâruzi bândeņnerâ jara 1 tausenj niņgiņhec foocte mucnerâ <sup>3</sup> hârâcko tuņkeme huwec. Hume motâcne kizi basanaņkerâ sâfâzi bâbâzickewec. Eme ņicne ņicne maņ bâsifuc mocwâc mi ejarehuc mâc fohame jara 1 tausenj taraocte mukicne. Tarame firuepie wefurâ dameņ bembene mac juocmu.

*ņic bâbâni faharenijmu jaņere dân*

<sup>4</sup> Eme no eri ņeņe ņerame honepo. Honehape ņic fisirâ fainao ņembiņ jaņe mumutara gie baniņte mujarekicne. Eme Jesu mutaniņkehuc Anuture dân hâwicmâc bajuhapie upe-jeņic qâtâcnekicne jaņere maņ qâqâtâc honec-jopapo, erâ qowi mimicne e jahacne â hawari-ticne dienzi mi hecnembiņ â zâņe qâreņ-ticne mai-jeņicko â mejeņicko mi bajumbiņ, jaņere maņ qâqâtâc mâmâc honec-jopapo. Eme ņic i jaņe saha-jeņic qâreme honec-jopapo. Eme jaņe Kristohec ņicwofuņ gie bahapie jara 1 tausenj tarawec. <sup>5</sup> Hâmokicne gâcne sâko jaņe ine mi qârehuc jara 1 tausenj taraocte irec woņec fombiņ. Fafahare honepo i fafahare namba wâņ. <sup>6</sup> Fafahare namba wâņko zuhuckeņgopieņ jaņe zeri bubiaņ faio tiri juņgopieņ. ņic iņucne hâmoc namba tuzi bâsowariec-jopaocmu. Jaņe Anuture â Kristore taha bapafâc erâ juniņmu, ehuc ehac ņicwofuņ gie bahuc juhapie jara 1 tausenj taraocmu.

**20:1:** Pet II 2:4; Jud 1:6      **20:2:** Fuf 3:1; 3ek 3:1; Bar 9:1; 12:9

**20:3:** Tes II 2:9, 10      **20:4:** Dan 7:9, 22, 27; Luk 23:30; Kor I 6:2

**20:5:** Kor I 15:23; Tes I 4:16      **20:6:** Jes 61:6; Bar 5:10

*Sataŋ kâpâcwâru fickonec wefurâ ñic mocwâc maŋ bâsifuc ejareocmu*

<sup>7</sup> Eme jara 1 tausen tarama Sataŋ firuepie kâpâcwâru fickonec mocwâc wefuocmu. <sup>8</sup> Wefurâ ñicne ñicne mâreŋ ñifec â ñifec, faic â juwic juŋgopien maŋjeŋic bâsifuckerâ Gogo â Magogo ñic qafeŋ-jopame râsi roroc erâ fisiniŋmu, jaŋe zare-jeŋic hâwec moŋgeŋ iŋucne, wowosene tâmiric. <sup>9</sup> Fisirâ mâreŋ wâneŋ sâko ira raferâ tiriŋic toma âterâ fohapie somâc-jopambiŋ. Somâc-jopahuc hae bian i mâmâc orâŋkemiŋ. Iŋuc ehapie sambâŋkonec zoc waharâ zâhâmoc-jopa-fârewec. <sup>10</sup> Â Sataŋ, maŋ bâsifuc ejarehuc juwec, e lambe opâre riqiczi zoc zahuc foekac ira behepie huwec. Qowi mimicne â porofete-ticne burecne jahe ijaha mâmâc jupic. Eme jahe ira ñafe zoaŋ qâqâtiri zâic fâro mana rahuc junicmu sanaŋ.

*Zâhec fafahare â okac babazu*

<sup>11</sup> Eme no eri ñeŋe kâcŋene qaŋqaŋ moc honepo. Fainao ñewec ere maionec sambâŋ â mâreŋ wise tâmirepic. <sup>12</sup> Ehame hâmokicne fekcicne wahakicne jaŋe mâmâc sasawa eri ñeŋe fuŋnao domapie honec-jopapo. Domahapie papiane papiane qaratiemiŋ. Erâ moc qaratiemiŋ i juju sanaŋte papia. Eme hâmokicne jaŋe juju bapa-jeŋicte dâŋ papiao qâreŋkekcicne i honehuc dâŋjeŋic mutarambiŋ.

---

**20:8:** Ezek 7:2; 38:2, 9, 16    **20:9:** Hab 1:6; Ñic II 1:10; Ezek 38:22; 39:6    **20:10:** Fuf 19:24; Bar 19:20    **20:11:** Mat 25:31–46; Dan 2:35    **20:12:** Dan 7:10; Bar 3:5; Fil 4:3; Rom 2:6

<sup>13</sup> Eme damen ira hâweczi maḡnao hâmokicne fombin jaḡe bârisiec-jopawec â hâmoczi ḡic hâmocne bârisiec-jopawec â hârâczi ḡic hâmocne bârisiec-jopawec wâc. Eme hâmokicne sasawa jaḡe juju bapa-jenicte fuḡne rituhuc tofa bazu-jarekicne. <sup>14</sup> Eme hâmoc â hârâc i zocriḡicko behepie huwec. Izi hâmoc namba tu ekac, zocriḡic hâcne. <sup>15</sup> Eme ḡic moc e zâḡene juju sanante papiao basarâ zocriḡicko behepie huwec.

## 21

### *Sambân ḡâricne â mâreḡ ḡâricne fuazokac*

<sup>1</sup> Eme no sambân ḡâricne â mâreḡ ḡâricne honec-jofapo. Sambân raḡḡane â mâreḡ raḡḡane jahe ine sirowepic. Erâ hâwec iḡuc jaha arictac ewec. <sup>2</sup> Eme tiri hae, Jerusalem ḡâricne hâcne, sambânḡonec Anuturaonec wahame honepo, ḡokac biḡe moc ḡicko râeniḡte erickeḡḡopieḡ iḡuc tinac ericke emasḡ ekicne honepo. <sup>3</sup> Eme eri ḡeḡeonec dâḡ kâcḡene ziḡuc wareme manapo: “Honekic, Anuture ḡeḡe hae ḡic jaḡerao fuakac hâcne. Eki ḡonden-jenicko ḡeḡe juju ehame jaḡe ḡicfâc-ticne erâ juniḡmu. <sup>4</sup> Anutu e jahac jaḡerao juhuc zâḡeuc-jenic bâkereḡke-fâreocmu. Hâmoc me busâḡoc me ki oowa me huc zâic ira mi fuaocmu. Wiac raḡḡanezi omae-fârewec hâcne.” <sup>5</sup> Eme eri ḡeḡeo ḡeweczi ziḡuc nazawec:

---

**20:13:** Joh 5:28, 29    **20:14:** Kor I 15:26, 55    **20:15:** Dan 12:1; Mat 25:41    **21:1:** Jes 65:17; 66:22; Pet II 3:13; Bar 20:11  
**21:2:** Jes 52:1; 61:10; Heb 11:10; Bar 19:7    **21:3:** 3ek 2:10; Jes 8:8    **21:4:** Bar 7:17; Jer 31:16; Jes 35:10; 65:19

“Manakic, no wiac sasawa qâricne bâfuakopac.”  
 Injuc murâ muwec: “Go qârenkec, dâñ i fâri  
 hândâñne jâmbân.” <sup>6</sup> Erâ zinjuc nazawec: “Wiac  
 efârekicne, no bâbâni â zâhec, wiac fufunke â  
 babatara. Moc e opâre hâmomme no juju opâ  
 zâkânkonec fiarâ katucmâc gumepemu. <sup>7</sup> Moc  
 e sasanante gie baku batararâ wiac zi raucke-  
 fâreocmu, eme noni Anutu-ticne erâ juhape eki  
 motec-nane erâ juocmu. <sup>8</sup> Hâwic bâronj â miti  
 qiqikiñj â wâwânânheç â zika qaqa â sasecñic â  
 hafec qañgeç ñic â nemuqân babaju â siocdân  
 babaju sasawa, ñic i jañere ñeñe lambe opâre  
 riqiczi zoc zahuc foekac ira mukicne. Izi hâmoc  
 namba tu.”

*Jerusalem hae qâricne sambânkonec  
 wahaocmu*

<sup>9</sup> Eme anelo 7 râqâc-jeñic sâc wiac micne  
 momorizi fuseme badomambiñ, jañeraonec  
 moczi norao warerâ zinjuc nazawec: “Waretec  
 Lamare ñokac biñe gowatupe.” <sup>10</sup> Injuc murâ  
 enareme mañnane ñerisieme tiki sâko zoricne  
 moc ñewec ira jowacnu ferâ tiri hae Jerusalem i  
 sambânkonec Anuturaonec wahame nowatume  
 keczinjuc honepo: <sup>11</sup> Anuture eri tatamaczi  
 geronke-fârekicne. Hae irec tatamacnezi qânâ  
 furi sâko jawa ririñ kikicne injucne erâ bâric  
 bâricneekac. <sup>12</sup> Qânâsac sâko zoricnezi hae  
 râreckekac. Sac i motâc-ticne 12, erâ motâc

---

**21:5:** Bar 4:2; 5:1; Kor II 5:17; Mi Mâ 47:8    **21:6:** Bar 1:8; 22:17;  
 Jes 55:1; 3ek 14:8    **21:7:** Bar 2:7; Sam II 7:14    **21:8:** Bar 22:15;  
 20:14; Heb 10:38, 39    **21:9:** Tah 26:21; Bar 15:1    **21:10:** Jes  
 52:1; Ezek 40:2    **21:11:** Jes 58:8; 60:1, 2, 19

botâḥnao aḥelo moc moc doma rapie 12 jaha ekac, erâ wâc motâc sâc Israe ḥicguru 12 jaḥere zâḥe qâreḥ forakac. <sup>13</sup> Zoḥḥ wewefunaopec motâc jahec â moc domakac, mâreḥ juwicpec motâc jahec â moc domakac, mâreḥ faicpec motâc jahec â moc domakac, â zoḥḥ huhunaopec iḥuc jaha motâc jahec â moc domakac. <sup>14</sup> Haesac irec qânâ wâtunḥ 12 doma rakac, eme wâtunḥ 12 irec ombâḥnao Lamare aposolofâc 12 jaḥere zâḥe qâreḥ 12 jaha forakac.

*Jerusalem hae qâricnere hawari*

<sup>15</sup> Aḥelo dân nazawec eki gunusâc moc golzi bakicne badomawec, izi hae â motâc-ticne â sacticne sâc bawec. <sup>16</sup> Hae i tuturuḥne jahec â jahec, hâḥne otecne sâckoa. Eme aḥelozi hae rârec rârec gunusâc-ticnezi sâc bame kilometa 2 tausenḥ ewec. Hâḥne otecne â zoricne sâckoa sasawa. <sup>17</sup> Eme haesac qâfoḥ-ticnere sâc bame 70 meta ewec, ḥiczi sâc bajuengopenḥ ijaha aḥelozi bajuhuc hae sâc bawec. <sup>18</sup> Haesac i qânâ qaqačne, huririnehec izi bakicne, â hae ine gol fifimârâḥne kiruḥ qaqačne iḥucne izi bakicne. <sup>19</sup> Haesac irec qânâ wâtunḥ i qânâ furi sâko fuḥne fuḥne findowakicne sasawa izi bakicne. Wâtunḥ namba 1 i qânâ qaqačne kiruḥ tinac izi bakicne, wâtunḥ namba 2 i qânâ keḥkeḥne izi bakicne, wâtunḥ namba 3 i qânâ kedazi bakicne, wâtunḥ namba 4 i qânâ ârâḥ qâri izi bakicne, <sup>20</sup> wâtunḥ namba 5 i qânâ birâ birâ izi bakicne, wâtunḥ namba 6 i qânâ bâbâronḥzi bakicne, wâtunḥ namba 7 i qânâ

---

**21:12:** Ezek 48:31–35    **21:15:** Ezek 40:3, 5    **21:18:** Ezek 43:16; 48:16, 17    **21:19:** Jes 54:11, 12

âmuc âmucnezi bakicne, wâtun namba 8 i qânâ buge tinac wewearne izi bakicne, wâtun namba 9 i qânâ bâbânenzi bakicne, wâtun namba 10 i qânâ râweckekicnezi bakicne, wâtun namba 11 i qânâ soc tinac gogowacne izi bakicne, wâtun namba 12 i qânâ qondañ horiki tinac izi bakicne. <sup>21</sup> Sacmotâc 12 i kubu furi sâko 12 izi bakicne, motâc moc i kubi moczi bakicne, motâc moc i kubu moczi, inuc sasawa. Hae hata i gol qaqaqacnezi bakicne, kirun inucne fifimârâñe.

<sup>22</sup> Ufun ine haeo moc mi ñeme honepo, Wofun Anutu bapafâre eki ufun ejareekac â Lamazi mâmâc. <sup>23</sup> Erâ hae i mosa zoanji mi âke tamaeekac, Anuture eri tatamaczi bata-maeekac â Lamazi zoc tatamac-ticne eekac. <sup>24</sup> Mârenj sâc ñicne ñicne jañe hae irec tatamackoa jufâreniñmu, â mârenj sâc ñicwofun jañe eri boreñ wiac-jeñic hae ira bara-fâreniñmu. <sup>25</sup> Hae i moc mi ñafeocmu, irec sac motâcne i zoanjkore aañ sasawa doma-fâreocmu. <sup>26</sup> Ñicne ñicne jañere wiac furi sâko qame hukicne, añac zizine i hae ira bara-fâreniñmu. <sup>27</sup> Wiac wâwânâñhec ine moc mi razi-jâmbânkeocmu. Â ñic moczi wiac ma-makâcne me burec bajuocmu, e hae ira wâc mi raziocmu. Zâñe-jeñic Lamare juju sanañ papiao qârenjkekicne jañe sawa raziniñmu.

## 22

### *Juju opâ â jujujâc irec dân*

**21:23:** Jes 24:23; 60:1–20

**21:24:** Mi Mâ 89:27; Jes 60:3, 5

**21:25:** Bar 22:5; 3ek 14:7

**21:27:** Jes 52:1; Dan 12:1

<sup>1</sup> Eme aņelozi juju opâ sâko moc nowatume honepo, qaçacne, jawa ririņ kikiçne. I Anutu â Lama ere eri ñeņe fuņkonec wahakac. <sup>2</sup> Waharâ hae hata zâzâņiņnao rakac. Opâ mecnao ñifec â ñifec jujujâc doma rakac. Jâc irec fârine hawarine fuņne fuņne 12 izi mosa sâc fua qeuc eekac. Eme mâreņ sâc ñic jaņe jâc irec rehacne nâhuc bianķeniņmu. <sup>3</sup> Hae ira wiac sâwechec mi foomu. Anutu â Lama ere ñeņe hae ira hâcne fuame ñicfâc-ticne jaņe kiņaņ qacnehuc juniņmu. <sup>4</sup> Erâ hawari-ticne honehuc juniņmu, â zâņe qâreņ-ticne mai-jeņicko fuarâ foomu. <sup>5</sup> Hae i mi ñafeocmu, erâ lambe me zoaņ tatamacnere mi muniņmu, Wofuņ Anutu e jahac zoaņ ejareocmu. Eme hae rune jaņe ñicwofuņ gie barahuc juniņmu sanaņ.

*Johane e aņelozi dâņ âzâcneme mumucnezo ewec*

<sup>6</sup> Eme aņelozi ziņuc nazawec: “Dâņ i fâri hândâņne jâmbâņ. Wofuņ Anutu porofete ejareme maņjeņic ñerisieekac, eki hâcne aņelo-ticne soreme kiņaņ qaçafâc-ticne ñoņe wiac, mi zoraha fuaocte mukicne i ñaza ñowatuc ewec. <sup>7</sup> Manakic, no biac fâpemu, eme moc e papia kecziira findaņdâņ qâreņkeçicne i sisirombe faio bajuocmu e zeri bubiaņ manacnezo.”

<sup>8</sup> Eme Johane no hâcne wiac i hone manac efârepo. Hone manac efârerâ aņelo wiac nowatuwec ere maņfuņko fodaperâ numucnezo

---

**22:1:** Ezek 47:1; 3ek 14:8    **22:2:** Bar 21:21; Ezek 47:12    **22:3:** 3ek 14:11    **22:4:** Mat 5:8; Bar 3:12    **22:5:** Bar 21:25; Dan 7:18, 27    **22:6:** Bar 1:1; Kor I 14:32    **22:7:** Bar 3:11; 1:3



ehape <sup>9</sup> qatara-narerâ muwec: “Misac mac, no kiñañ qaqa âgoge, erâ porofete qomâfâcge jañere âgo, â papia zirec dân aimuñ bajuniñmu jañere âgo jaha. Go Anutu e jahacne sawa danje nunumu ecnec.” <sup>10</sup> Inuc murâ ziñuc nazawec: “Go papia zirec findañdân fâzâ mi bazemec. Dân i fârinehec eocte dameñne bembenkekac hâcne. <sup>11</sup> Irec sâqocne bapa e sâqocne bazo murâ bazejec, â mañwânâñheczi mañwânâñhec juzo murâ juzejec, â mitio juekaczi ine mitioa juzejec, â mañfuru juekaczi mañfuru jaha juzejec.”

### *Jesuzi Johane dân âzâcnewec*

<sup>12</sup> “Manakic, no biac fâpemu. Okacnehec fâ fisirâ ñic juju bapa-ñeñicte tofa sâckoa bazu-ñarepemu. <sup>13</sup> No bâbâni â zâhec, fuñne â botâñne, wiac fufuñke â babatara. <sup>14</sup> Ñaqi-jenic zure qaqaçkeenñgopieñ jañere manape zerine ekac. Jañe hâcne mujarepe jujujâckonec fârine nânzepieñ â hae irec mañnao razinzepieñ. <sup>15</sup> Hae râpenao juniñmu ine qâto â hafec qañgec bapa â sasecñic â zika qaqa â nemuqâñ babaju erâ burec bajuhuc irec añac-jopaekac.

### *Jesuzi hefârec-nâpoekacte hefârenzepeneñ*

<sup>16</sup> “Jesu no hâcne añelo-nane sorepe eki kike-fuñ gurufâc-nane ñoñe mumutanin dân i mufua-

---

**22:8:** Bar 19:10    **22:10:** Bar 10:4; 1:3; Dan 8:26; 12:4    **22:11:** Dan 12:10    **22:12:** Mi Mâ 28:4; 62:12; Jer 17:10; Bar 3:11; Jes 40:10; Rom 2:6    **22:13:** Jes 44:6; 48:12; Bar 1:17; Heb 13:8; Fuf 2:9; 3:22; 49:11    **22:15:** Bar 21:8, 27; Kor I 6:9, 10

ņarewec. No hâcne Dawidire funqizecne â oso gitecne, erâ bâpiņ sâko tatamachec.”

<sup>17</sup> Mâro â Jesure biņefâc jaņe ziņuc muņgopieņ: “Go warezemec.” Â moc e dâņ zi manarâ iņuc jaha muzejec: “Go warezemec.” Moc e opâre hâmorâ zira fisizejec. Â moc e irec ecnekacko ware juju opâ furimâc nâzejec.

### *Johanezi unđdâņ muwec*

<sup>18</sup> Papia keczira findaņđdâņ qâreņkekiecne i wose manac eniņmu ņoņe uņ ņazape mananiņ: Moc e maņticnere dâņ moc zuhuckeocmu, ņic e Anutuzi wiac micne momori papia keczira qâreņkekiecne i zuhuckecneocmu wâc, <sup>19</sup> â moc e findaņđdâņ zi âke sipuocmu, ņic erao Anutuzi jujujâcte dâņ â tiri haere dâņ zi qâreņkekiecne iņuc jaha âke sipuocmu.

### *Mumutara dâņ*

<sup>20</sup> Dâņ mufuakiecne zi dopeckekaczi ziņuc mukac: “Jâmbomac, no biac fâpemu.” Jâmbomac, Wofuņ Jesu go warezemec. <sup>21</sup> Wofuņ Jesure aki anonoczi ņoņerao fofârezejec. Jâmbomac.

---

**22:16:** Bar 1:1, 2; 5:5; Jes 11:1, 10; Luk 1:78    **22:17:** Bar 21:6; 3ek 14:8; Rom 8:23; Jes 55:1; Joh 7:37    **22:18:** Bar 15:1, 6; Sâc 4:2; 12:32; 29:20    **22:19:** Fuf 2:9; 3:22

**Kâte Bible**  
**The Holy Bible in the Kâte language of Papua New Guinea**  
**Buk Baibel long tokples Kate long Niugini**

copyright © 1978 The Bible Society of Papua New Guinea

Language: Kâte (Kate)

Translation by: Bible Society of Papua New Guinea

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-11-22

---

PDF generated using Haiola and XeLaTeX on 11 Nov 2022 from source files dated 30 Nov 2021

76869875-8293-5126-8b67-c576c145ac3c